

REFERAT AIA - Aningaasaqarnermut Inuussutissarsionermullu Ataatsimiititaq d. 11-11-2021

Mødedato Torsdag d. 11. november 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Imigassanik aalakoornartortalinnik akuersissutit pillugit killiffik.....	6
Aningaasanik ikisisarluni pinnguaatit pillugit killiffimik nalunaaruteqarneq.....	8
The Polar Academy-mik suleqateqarneq.....	9
Angalanermi nalunaarusiaq.....	11
UNLEASH Kalaallit Nunaanni 2022.....	13
2022-mi politikikkut ataatsimiiffissat.....	15
Kommunimi kusassaaneq.....	16
Lukket.....	20
Lukket.....	20
Lukket.....	20
Lukket.....	20
Meeqquerivinnut utaqquisut allattorsimaffii pillugit ilisimatitsissut.....	20
Nuussuup Atuarfiani nakkutilliineq pillugu nalunaarusiaq.....	23
Angerlarsimaffeqanngitsut ajornartoornermi unnuisarfiannik ingerlatsinermik tiguserup killiffissi	26
Kommunimut pilersaarummut tapiliussatut siunnersuut 3A9-1 Nuussuup Manngua, Nuuk.....	28
Siunnersuut - 2D1, Nuussuup kujammut Nuua, Nuuk.....	30
Kommunimut pilersaarummut tapiliussamut 4B7-1 Niaqornannguaq Nuuk siunnersuut.....	32
Kommunalbestyrelsimi qinikkatut sulineri pitsaasumik attaveqaqatigiittarnissamik ataatsimoortur	34
Kommuneqarfik Sermersuumi Kommunalbestyrelsip Nunaqarfinilu aqutsisut politikikkut suleqa	36
Inuusuttut Kommunalbestyrelsiata 2021-mi Kommunalbestyrelsimut inassuteqaatai.....	39
Inuussutissarsiornermut periusissiaq 2022 – 2026.....	42
Paamiut kujataani qeqertaasamut umimmannik nuussineq.....	45
Nanu Travel 2022-mi kiffartuussinissamik isumaqatigiissuteqarfigineqarnera.....	48
Missingersuutiniq malitseqartitsineq ulloq 30/9 2021.....	51
Missingersuutit 2022 - Aappassaaneerineqarnerat.....	71
Meeqquerivimmi nutaami Maliup eqqaani meeraaqquerivimmi inissanik tulleriiarineq.....	79
2022-mi suliat allaaserineqarnerat.....	81
Kommunimut pilersaarummut tapiliussassatut siunnersuut 3B2-2, Inuussutissarsiuteqarfik Nukappi	83
Oqaluuserisassanut tapiliussaq: Nakkutilliisoqarfiup aalajangiussaa pillugu ilisimatitsissut.....	85
Lukket.....	87
Lukket.....	87
Lukket.....	87
Tamalaat.....	87
Imaqarniliap akuerineqarnera.....	87

Ilaasortat

Charlotte Ludvigsen (IA) *siulittaasoq*

Justus Hansen (D)

Juaaka Lyberth (IA)

Uju Petersen (IA)

Ken Madsen (N)

Peter Davidsen (S)

Inga Dóra G. Markussen (S)

Imigassanik aalakoornartortalinnik akuersissutit pillugit killiffik

Ilisimatitsissut

SagsID.: EMN-2021-15406

Suliffeqarfimmut Kiffartuussivik – kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- akuersissutininik pigisallit taakkualu agguataarsimanerat tusaatissatut tiguneqassasut

Suliassamik saqqummiussineq

2011-mi januaarip ulluisa 21-ani Kommunalbestyrelsip ataatsimiinnerani aalajangiunneqarpoq, Kommunalbestyrelsi imigassanik aalakoornartortalinnik politikki pillugu nalunaarusiamik ilisimatinneqartassasoq, ilaatigut kommunimi imigassanik aalakoornartortalinnik sassaalliisinnaanermut akuersissutininik pigisallit piffissami tassani amerlassusaannik ersersitsisumik.

Kommuneqarfik Sermersuumi ullumikkut imigassanik aalakoornartortalinnik akuersissutininik pigisaqartut 88-iupput illoqarfinni imannak agguataarneqarlutik

Nuuk

- 28 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 37 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)
- 1 type E-mik akuersissutillit (§ 13, imm. 2 naapertorlugu sassaallersinnaanermut akuersissuteqarnermit "Kommunalbestyrelsi immikkut akuersissuteqarsinnaavoq mittarfiit kioskillu akunnittarfinnullu unnuiffiusunut piffissami nal. 06.00-imiit nal. 12.00-ip tungaanut imigassanik kimittuunik kimikitsunillu sassaallersinnaanerit.")

Katillugit akuerissutit 66

Paamiut

- 5 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 2 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)

Katillugit akuerissutit 7

Tasiilag (Annerpaamik imigassami aalakoornartup procentia 14,9)

- 7 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 6 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)

Katillugit akuerissutit 13

Ittoqqortoormiit (Annerpaamik imigassami aalakoornartup procentia 14,9)

- 2 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)

Katillugit akuersissutit 2

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnavianngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Inatsisartut inatsisaat nr. 35, 23. november 2017
- Namminersornerullutik Oqartussat nalunaarutaat nr. 19, 29. marts 1990, Init imigassanik aalakoornartortalinnik nioqquteqartarfiit sassaallertarfiillu aqqissuunneqarneri atorineqarnerilu pillugit
- Namminersornerullutik Oqartussat nalunaarutaat nr. 4, 29. maj 1992, imigassanik aalakoornartortalinnik sassaalliisinnaanermut akuersissutit
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulik Oqartussat nalunaarutaat nr. 4, 4. marsi 2011-meersoq
- Inatsisartut inatsisaat nr. 10, 29. oktober 1999, Inuussutissarsiummik ingerlataqartunik Nalunaarsuiffik
- Inuussutissanik nersutillu nappaataannik inunnut tunillaassorsinnaasunik nakkutillineq pillugu Inatsisartut peqqussutaat nr. 17, 28. oktober 1993-meersoq

Siusinnerusukkat aalajangerit

Kommuneqarfik Sermersuumi imigassanik aalakoornartortalinnik sassaalliisinnaanermut nioqquteqarsinnaannermullu akuersissutit siornatigut Kommunalbestyrelsimut ilisimatitsissutigineqarsimasut:

- November 2020-imi akuersissutit 91-atulersineqarsimapput
- November 2019-imi akuersissutit 91-it atulersinneqarsimapput
- November 2018-imi akuersissutit 95-it atulersinneqarsimapput
- November 2017-imi akuersissutit 89-it atulersinneqarsimapput
- Oktobari 2016-imi akuersissutit 92-it atulersinneqarsimapput
- Marsi 2015-imi akuersissutit 92-it atulersinneqarsimapput
- Septembari 2014-imi akuersissutit 92-it atulersinneqarsimapput
- Oktobari 2013-imi akuersissutit 87-it atulersinneqarput

Ilanngussaq

1. Nuummi, Paamiuni, Tasiilami aamma Ittoqqortoormiini imigassanik aalakoornartortalinnik sassaalliinissamut akuersissutinik pigisaqartut allattorsimaffiat

Aningaasanik ikisisarluni pinnguaatit pillugit killiffimik nalunaaruteqarneq

Ilisimatitsissut

SagsID.: EMN-2021-15244

Suliffeqarfimmut Kiffartuussivik – kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- akuersissutininik pigisallit taakkualu agguataarsimanerat tusaatissatut tiguneqassasut

Suliassamik saqqummiussineq

Kommunalbestyrelsen marsi sisamanni 2014 ataatsimiinnerani aalajangiunneqarpoq aningaasanik ikisisarluni pinnguaatinik pisinnaatitsissutininik tunniussisarneq Aningaasaqarnermut Ataatsimiititamat ingerlanneqartalissasoq. Taamatuttaaq Kommunalbestyrelsen ukiumut marloriarluni aningaasanik ikisisarluni pinnguaatit pillugit killiffimik nalunaarusiamik ilisimatinneqartassasoq.

Ullumikkut Kommuneqarfik Sermersuumi aningaasanik ikisisarluni pinnguaatinut pisinnaatitsissutit 41-iupput tamarmillu nuummiillutik.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnavianngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Inatsisartut inatsisaat nr. 3, 17. Maj 1990, aningaasanik ikisisarluni pinnguaatit akitsuuserneqartarnerat pillugu
- Inatsisartut inatsisaat nr. 10, 13. Juni 1994, akitsuutit assigiinngitsut pillugit inatsisit allanngortinnerat
- Inatsisartut inatsisaat nr. 15, 3. November 1994, aningaasanik ikisisarluni pinnguaatit akitsuuserneqartarnerat pillugu inatsisartut inatsisaannik allanngortitsineq
- Namminersornerullutik Oqartussat nalunaarutaat nr. 31, 17. December 1996, aningaasanik ikisisarluni pinnguaatit pillugit

Ilanngussat

1. Kommuneqarfik Sermersuumi aningaasanik ikisisarluni pinnguaatinut akuersissutininik pigisaqartut allattorsimaffiat

The Polar Academy-mik suleqateqarneq

The Polar Academy, Tasiilami Alivarpimmi Naasunnguaq-teamet aamma Inuusuttut kulturikkut illorsuata Igdlo-p akornanni suleqatigiinneq.

Ilisimatitsissut

SagsID.: EMN-2021-15787

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

The Polar Academy skotlandimiut ikiuiniarneq pillugu suliniaqatigiiffigaat iluanaarutitaqanngitsumik ingerlanneqartoq, suliassarivaalu meeqqat atuartut skotlandimeersut inuuniarnermikkut aamma tarnimikkut ajornartorsiuteqartut sullisissallugit. The Polar Academy ukiuni kingullerni 8-ni meeqqanut taakkulu ilaqutaannut suliniuteqartarsimavoq, tassani ilaatigut ulluni 10-ni ukiumi Tasiilap qaqqaanut ilisimasassarsioritsisarsimalluni. Taakku pillugit pitsaasunik angusaqarsimallutik paasivaat. Aningaasaateqarfiit, suliffeqarfiit namminersortunillu suleqatigisat The Polar Academy-p sulineranut aningaasaliisarput, aamma Skotlandip naalagaaffiata The Polar Academy-p sulinera allatigut tapersersugarivaa. The Polar Academy nunanit tamalaanit arlaleriarluni nersornaatisarsimavoq inuusuttunut suliniarnera nersorniarlugu. The Polar Academy-p sulinerani tunngavigineqarluinnartoq tassaavoq suliniummi peqataasunut inuusuttunut taakkulu ilaqutaannut peqataanerup akeqannginnissaa.

Igdlo Tasiilami inuusuttunut 14 - 30-nut ukiulinnut neqeroorutaavoq. Igdlo kommunip sammisassaqaartitsinermut peqqinnermullu ingerlatsiviata ataaniippoq. Igdlo-mi Tunumiut ileqqui kulturiallu assigiinngitsutigut paasisitsiniutigineqartarpoq; namminneq qaanniorlutillu qamusiortarput. Qimuttuutitik paaralugillu sungiusartarpaat. Nipilersortarput. Aalisariartarput piniariartarlutillu. Najukkaminni nioqquatinik nerisassiorarput il.il. Igdlo inuusuttunut isumannaatsuuvoq, illoqarfik imminut toqunermik imigassamillu aalakoornartortalimmik ajornartorsiorfiuleraangat. Illu sulisunit pingasunit piginnaasamikkut tapertariaartunik misilittagalinnillu taamatullu namminneq kajumissutsiminnik sulisunit ingerlanneqarpoq.

NAAS Tasiilami atuarfimmi suliniutaavoq nutaaq. NAAS-imi suleqatigiit atuartut atuarfimmi inuuniarnermikkut tarnikkullu ajornartorsiuteqarnermik sunnerneqarsimasut eqqarsartaatsikkut, nukissat pingaartillugit aamma akuersaartumik periuseqarnermik siammarteraluni suliaqarput. Taamatullu NAAS meeqqanik taakkualu ilaqutaannik ajornartorsiuteqartunik suliaqarpoq. NAAS-imi suleqatigiinni suliniutaasoq ataatsimut isigalugu tassaavoq atuarfimmi meeqqanik akuutitsinermik sulineq, tassani meeqqat nukissarpassui akuerineqarlutik pitsaasumik ineriartornissaanut ilikkagaqarnissaannullu tapertaritinneqarput.

The Polar Academy aamma kommunip suleqatigiinnerisa siunertarivaa, meeqqat inuusuttullu pisinnaasaannik periusissiorneq, imminut naleqartinneq, kinaassutsimik ineriartortitsineq, siunissamat periarfissarsiorneq aamma inuunerup pitsaassuseqarnissaa – taamatullu Tasiilami meeqqat inuusuttullu atugaasa pitsanngorsarneqarnissaat.



Kommunimit The Polar Academy-millu ukunani suleqatigiissutissanik ineriartortitsinissamik aallaaveqartoqarnissaa kissaatigineqarpoq:

1. Eqimattat sisamanik meerartallit, 14 - 17-inut ukiullit, ullut 7 - 10-t akornanni sivilissuseqartumik Skotlandimiitinnissaat, ilaqutariinnilu TPA-mi peqatasimasuni najugaqartinneqarnissaat. Inersimasoo akisussaasoq, tunumiusut tuluttullu oqalussinnaasoq meeqqanut ingiaqataassaaq. Meeqqat tassani ulluinnaaminniit allamut saalaarlutik inuit atukkamikkut ilisarsiffigisinnaasatik naapissinnaavaat namminerlu naleqassutsiminnut qaffassaatigalugit. Meeqqat namminneq siunissami inuunertik qanoq ilusilersorinnaanerlugu, ilinniagaqarnissamut toqqaanissaminnut aamma inuuniarnikkut pitsaanngitsumik ingerlajuernerup unitsinnissaannut isummersorneqassapput piumassuseqalersinneqarlutillu.
2. Tunumiut skotlandimiullu akornanni kulturikkut avitseqatigiinneq pilersinneqassaaq taamaalillunilu namminiussuseq annerusoq aallallu kulturiinik kinaassusiinillu ilisimasaqarnerulertoqassaaq.
3. Inuusuttunut Tunumi pinngortitaq ileqqullu tunngavigalugit aamma ullumikkut issittumi ilisimasassarsiornermi periutsinik atuisunut naleqquttunik aamma isumassarsiorbitsisunik misigisaqartitsinissaaq. Misigisat taakkua aamma inunnut inuusuttunut Tasiilap eqqaani pinngortitap qanoq ittuuneranik Kalaallit Nunaanni sumiiffinnut imaluunniit nunarsuatsinni nunanut allanut paasisitsiniaanermut ikiuutaassapput.

Suleqatigiinneq siunissamilu suliarineqartartussat Tasiilami Inuusuttut Illorsuanit ataqqatigiissarneqassapput, Tasiilami Alivarpi suleqatigalugu.

Ingerlatsivimmit aningaasatigut sulisoqarnikkullu naliliinerit

The Polar Academy-mit aningaassanik qinnuteqarnissaaq eqqarsaatigineqarpoq, meeqqat Tunumeersut Skotlandimut tikeraarnissaannut atatillugu aningaasartuutissat tamaasa matussuserneqarnissaannut. Borgmesterimit The Polar Academy-p aamma Kommuneqarfik Sermersuup akornanni suleqatigiinnissaaq pillugu atsiorneqarpoq, siunnertaralugu The Polar Academy-p aningaasaateqarfinnut qinnuteqarnissanut atorineqassasoq.

Suliffeqarfinnut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaatitallit

- Soqanngilaq

Ilanngussaaq

Soqanngilaq.

Aningaasaqarnermut Inuussutissarsiornermullu Ataatsimiititap angalanera pillugu nalunaarusiaq

Tasiilaq aamma nunaqarfiit, septembari 2021

Aalajangiiffigisassaq

SagsID: EMN-2021-15790

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititap inassuteqaatigaa:

- angalanermit nalunaarusiaq akuersissutigineqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititap Tasiilap nunaqarfiinullu Kulusummut, Sermiligaamut, Kuummiinut aamma Tiilerilaamut angalavoq piffissami 2021-mi septembarip uluisa pingajuaniit arfineq-pingajuanut. Tunumi inuussutissarsiuqarnermut tunngasut ataatsimiititap paasisimasaqarfigineqarnerussasut kiisalu piffinni innuttaasut naapinnissaat ilaatigut qanoq oqariartuuteqarnerisut tusarniarlugit kiisalu politikkikkut anguniakkanik saqqummiinissaq angalanermit siunertarineqarput.

Aningaasaqarnermut Inuussutissarsiornermullu Ataatsimiititap peqataapput Borgmesteri Charlotte Ludvigsen (siulittaasoq), Juaaka Lyberth (ilaasortaq), Uju Petersen (ilaasortaq), Justus Hansen (ilaasortaq), Martha Abelsen (ilaasortaq), Inga Dóra G. Markussen (ilaasortaq) aamma Ken Madsen (ilaasortaq).

Sanarfinermit Avatangiisinullu Ingerlatsivimmiit peqataavoq Rasmus Hansen (sanaartornermi aserfallatsaaliuinermit pisortaq). Suliffeqarfimmut Kiffartuussivimmiit peqataapput Salik Hard (Sermersooq Businessimi suliniummik aqutsisuuneq) aamma Hjørdis Viberg (Tasiilami immikkoortumi pisortaq). Aamma allaffeqarfimmiit peqataapput Anna Rún Ólafsdóttir (ataatsimiititami allatsi), Marie Heimer (nunaqarfinnut tunngatillugu siunnersorti) aamma Pernille Kristensen (oqalutsi).

Ataatsimiititap suliffeqarfinnut assigiinngitsunut pulaarpoq akunnerullu naanerani septembarip ulluisa sisamaanni tallimaannilu Tasiilami inuussutissarsiuqartut arlallit saqqummiisarlutik. Tamatuma saniatigut Tasiilami innuttaasunik ataatsimiititsisoqarpoq.

Septembarip pingajuanni, arfernanni aamma arfineq-aappaanni nunaqarfiit ataatsimiititap tikeraarneqartut tassapput Kulusuk, Sermiligaq, Kuummiit aamma Tiilerilaq, ajorluartumilli Isertoq tikeraarneqanngilaq ilaatigut *piteraq* pissutaalluni.

Aningaasaqarnermut Inuussutissarsiornermullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Ingerlatsivimmiit aningaasatigut sulisoqarnikkullu naliliinerit

2021-mi ataatsimiititap angalanissaanut 350.000 koruunit immikkoortinneqarnikuupput.

Suliffeqarfimmut Kiffartuussivimmiit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaarsaatitallit

- Ataatsimiititap suleriaasia

Ilanngussaq

1. Angalaneq pillugu nalunaarusiaq



UNLEASH Kalaallit Nunaanni 2022

Suliniut: Nunap immikkoortuani Innovation Lab, Kalaallit Nunaat

Aalajangiiffigisassaq

SagsID.: EMN-2021-15417

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ataatsimiititamit suliniummut tassunga 750.000 koruuninik aningaasaliissuteqarnissaq akuerineqassasoq

Suliassamik saqqummiussineq

UNLEASH nutaaliorneq aamma piujuartitsineq pillugit iluanaarutitaqanngitsumik suliniutaavoq, SDG-t nunarsuarmi nutaaliornerup iluani siuttuulernissaannik siunertaqartoq. UNLEASH-ip 2017-imiili inuusuttut 4.500-it peqataatilersissimavai, taakkulu SDG-mik aaqqiissutit 700-t sinneqartut ineriartortissimavaat. Aammattaaq UNLEASH piujuartitsinissamik nittarsaassisut (Onalytica) nunarsuarmi nuimanerpaat ilaattut akuerisaavoq, nittarsaassisutut inissisimareersut soorlu Greenpeace, USAID, Oxfam International aamma WRI qaangerlugit inissisimalluni.

UNLEASH-ip Sermersuup Inuussutissarsiornermut immikkoortortaqarfia attavigisimavaa, Nuummi aggustimi 2022-mi nutaaliorneq pillugu ingerlatsinissaminnik pilersaaruteqaramik, tassani nunanit tamalaanit peqataaffigineqartumik Innovation Lab ingerlanneqassaaq inuusuttunut nunanit avannarlermeersunut aamma issittumeersunut 200-nut, kalaallit inuusuttut 30-40-t 18-35-nik ukiullit ilanngullugit.

Aaqqissuussap kalaallit inuusuttortaannut aamma najukkamut naleqquttuunissaa qulakkeerumallugu, UNLEASH Kalaallit Nunaanni aamma Nunani Avannarlerni inuusuttunik oqaloqateqarluni aallartippoq aamma inuusuttut ataatsimoorfissaannik pilersitsiniarpoq, tassani UNLEASH peqatigalugu suliniutip ingerlanissaannik ineriartortitsissapput aamma sapaatip akunnera nutaaliornermut atorneqartussaq sioqqullugu, ingerlanneqarnerata nalaani kingornalu qanoq pisoqarnissaannik sukumiisumik suliaqassapput.

Peqataaneq UNLEASH-mit aningaasaliiffigineqassaaq, aningaasaqarneq apeqqutaatinnagu suliniummut kikkut tamarmik peqataasinnaanissaat qulakkeerumallugu.

Sermersuup Inuussutissarsiornermut immikkoortoqarfiata UNLEASH arlaleriarlugu ataatsimeeqatigivaa, taakkulu nutaaliornermi suliniuteqarnerminni pingaartikkallagaat tassaapput ilinniartitaaneq pitsaassusilik, silap pissusaa, uummassusillit assigiinngiaarnerat kiisalu peqqinneq atugarissaarnerlu. Ajornartorsiutigineqarsinnaasut aamma ullumikkut atuuttut pingaartinneqarnerat pillugu Sermersuumi Inuussutissarsiornermut immikkoortoqarfik isumaqarpoq UNLEASH-imik suleqateqarneq iluaqutaassasoq, kinguaariit tulliuttut nutaalorsinnaanerata aamma piujuartitsinissaanerata eqqarsaatigalugu. Tassani Kalaallit Nunaata pitsaasumik nittarsaanneqarsinnaanera periarfissaqartoq takusinnaavarput, aamma kalaallit inuusuttut periarfissaqalissapput nunanit tamalaaneersunik attaveqaateqalernissaminnut.

Aaqqissuussineq naammassippat UNLEASH peqqissaartumik suliniummik nalilersuissaaq, peqataasut isummersuutaat ilanngunneqassapput, taakkulu nalunaarusiaqassapput kommunip atugassaanik.



Ingerlatsivimmit aningaasatigut sulisoqarnikkullu naliliinerit

Sermersuup Inuussutissarsiornermut immikkoortoqarfianit 750.000 kr.-t, immikkoortoqarfiup missingersuutaanit, atorneqarsinnaapput UNLEASH Kalaallit Nunaat 2022-p pivirusunngortinneqarnissaanut.

UNLEASH-mit manna tikillugu aningaasaliissutit 5,3 millioner kr.-t qulakkeerneqarput, ataatsimut missingersuutissatut naatsorsuutigineqartunit 7,77 millioner kr.-t.

Unleash-imut aningaasaliisut ilai tassaapput Nordic Innovation, Oak Foundation, Aage Jensen Fonden, Brugseni, Porticus, Bikubenfonden, NAPA, Air Greenland, Grønlandsbanken, Royal Greenland, Inu:it aamma Polar Seafood, massakkullu Kalaallit Nunaanni suliffeqarfiit arlallit oqaloqatigineqarput.

Suliffeqarfimmut Kiffartuussivimmit aningaasatigut naliliineq

Suliffeqarfimmi Kiffartuussivik oqaaseqaateqanngilaq.

Inatsisitigut tunngavissaq allakkallu tunngaviusumik uppersaattallit

- Soqanngilaq

Ilanngussaq

1. UNLEASH Kalaallit Nunaat pillugu nassuiaat

2022-mi politikkikkut ataatsimiiffissat

Aalajangiiffigisassaq

SagsID: EMN-2021-11031

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ataatsimiititap 2022-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Aningaasaqarnermut Inuussutissarsiornermullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai".

Aningaasaqarnermut Inuussutissarsiornermullu Ataatsimiititap sisamangornikkut nal. 14.00. ataatsimiittarnissaa siunnersuutigineqarpoq. 2022-mi ileqquusumik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikkikkut ataatsimiiffissat Naalakkersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununga aningaasaliissutigineqartuni aalajangersakkat malillugit ingerlanneqassapput, taakkununga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimnulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaattallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2022-mi politikkikkut ataatsimiiffissatut siunnersuutit

Kommunimi kusassaaneq (Greenwashing)

Kommunalbestyrelsimi ilaasortap Inga Dora G. Markussenip (S) Aningaasaqarnermut Inuussutissarsiornermullu Ataatsimiititamut siunnersuutaa

Aalajangiiffigisassaq

SagsID.: EMN-2021-14790

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut Aningaasaqarnermut Inuussutissarsiornermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliassamik saqqummiussineq

Kommunalbestyrelsimi ilaasortap Inga Dora G. Markussen (S) oktobarip ulluisa 23-anni Aningaasaqarnermut Inuussutissarsiornermullu Ataatsimiititamut aalajangiiffigisassatut siunnersuummik nassiussivoq. Inga Dora G Markussen kissaateqarpoq kommunimi kusassaaneq (greenwashing) Aningaasaqarnermut Inuussutissarsiornermullu Ataatsimiititami eqqartorneqassasoq.

Tunngavilersuut:

"Tallimanngorneq 2021-mi oktobarip 22-anni nal. 14.05 paasivarput, Kommuneqarfik Sermersooq raatiukkut aallakaatitassiami Detektorimi ""Nuuk nunarsuatsinni siullersaalluni illoqarfiit pingaarnersaattut piujuartitsiniunnermi nunanut allanut 0-inut ajugaavoq"" qulequtaqartoq pingaarnertut sammeneqartoq".

Aallakaatitami sammeneqarpoq, ornitassaqqissut attanneqarsinnaaneranik EarthCheckip akuersissutiginnittuusimanera. Ajornartorsiutitaa uaniippoq illoqarfiit pingarnersaasut allat akuersissutinik peqannginnerat. Nuuk ornitassaqqissuutillugu nutaaliarluni nittarsaassineq arlaannaatigulluunniit akuerineqarsinnaanngilaq, taamaammat AIA-mi ataatsimiinnissami tulluuttumi oqaluuserisassanngortinneqarnissaa kissaatigaara. Tassani kommunimi allaffissornermik suliallit qanoq ilillutik taamatut "kusassaasinnaanersut (greenwash)" nassuiaasiortoqarsimanissaa naatsorsuutigaara, piumasaralugulu kommunimi pisortat kommune piujuartitsisutut ornitassaqqissuunerarlugu nittarsaassinerup ilumoortumik tunngaveqannginneranik tamanut nalunaaruteqassasut. Taassuma saniatigut EarthCheckimik isumaqatigiissutip imaanik paasisaqarusuttoqarpoq.

Pissuserissaartumik ingerlatsineq malinneqassaaq, aamma kommunimi sulineq pillugu oqaaseqalernermi.

Aallakaatitaq uani tusarnaarneqarsinnaavoq <https://www.dr.dk/radio/p1/detektor-radio/detektor-2021-10-22> tassanilu immikkut ilisimasallit arlallit EarthCheckip misissuisimanera pillugu oqaaseqarput.

Inga Dora G. Markussenip siunnersuutigivaa ukiut tamaasa EarthCheckimut 56.000 koruuninik akiliisarneq eqqarsaatigeqqinneqassasoq.

Kommunalbestyrelsip aalajangernera Aqutsisoqatigiit Allatseqarfianit allaffissornikkut suliarineqassaaq.

Ingerlatsivimmit aningaasatigut sulisoqarnikkullu naliliinerit

Allaffeqarfimmiit nassuiaat

EarthCheckip Nuuk piujuartitsisutut inernilinnigilaa. Nuup piujuartitsisuuneranik tusagassiutikkut saqqummiunneqartoq, Kommuneqarfik Sermersuumi allaffissornikkut attaveqatigiinnermi piaarinani kukkusoqarneranit pivoq, tamannalu allaffeqarfimmit pisariaqartut atorlugit iluarsiiviginiarneqarpoq.

Allaffeqarfik naliliivoq, attaveqatigiinnermi kukkuluttorneq KNR-imi sulisup allaatigisaani ulloq 13. septembari 2021-mi "Nuuk illoqarfiit pingaarnersaanni takornariaqarnermi piujuartitsisut nunarsuarmi siullersaalluni akuerisaasoq" kukkuluttorluni oqaaseqaataanit aamma kommunip ulloq 6. novembari 2020 aamma ulloq 31. aggusti 2021 tusagassiutinut nalunaarutaasa qulequtaannit pisimasoq, allaffeqarfillu naliliivoq allaatigineqartut iluamik atuarneqarnerisigut Nuuk piujuartitsisuunngitsoq paasineqarsimassagaluarpoq. Allaffeqarfiup qulequttat pineqartut iluarsivai aamma ulloq 22. oktobari 2021-mi ratiuklut aallakaatitami Detektor peqatigalugu apersorneqarnermi kukkunerit naqqinneqarput, taakkulu allaatigisami "Kommuneqarfik Sermersooq attanneqarsinnaasumik ingerlatsineq pillugu isornartorsiorneqartupilussuaq" issuarneqarput. Peqatigitillugulu sulisunut erseqqissaassutigineqarpoq, Kommuneqarfik Sermersuumit kina tusagassiutinut oqaaseqarsinnaanera pillugu.

EarthCheckimik suleqateqarneq piujuartitsinerup aamma attanneqarsinnaasumik takornariaqarnerup iluani ilungersuuteqarnermut tunngavoq. Allaffeqarfimmit nalilernerneqarpoq, nunat tamat najoqqutaat malillugit, massakkut EarthCheckimit akuersissut, piujuartitsinermi aamma attanneqarsinnaasumik takornariaqarnerup iluani paasissutissat tunngavigalugit sakkussanit tamanit pitsaanerpaajusoq. Piujuaannartitsinissamik tunngavilittut akuerisaanissaq Nukissiorfiit, ESANI, Kalaallit Nunaanni Naatsorsueqqissaartarfik, Nuuk Water Taxi, Greenland Escape aamma Visit Greenland suleqatigiissutaavoq, Green Team-imik taallugu, soorlu aamma Nuummi attuumassuteqartunik suliallit allat tassunga ilanngunneqarsimasut aamma pisariaqartitsineq malillugu ilanngunneqarumaarput, assersuutigalugu politiit nakuusertarnerup annertussusia pillugu aamma Nunatta Katersugaasiavia kulturikkut eriagisassat pillugit.

Piujuartitsineq pillugu Nuummut paasissutissat tamanut Kommuneqarfik Sermersuup saqqummiutissavai allanut sanilliussassat, tassani paasissutissat Nuup pitsaasumik aamma pitsaanngitsumik iliorneranut tunngapput. Paasissutissat nittartagakkami Colourful Nuuk-mi Sustainable ataani Nuuk takuukkit. DMO Policy aamma Risk Assessment & Action Plan arlariullutik innuttaasunik akuutitsinermi peqataatinneqarput, ulloq 1. oktobari 2020-mi qarasaasiakkut attaveqaat atorlugu aamma takornarialerinerimik suliallit attaveqatigiittarfiata ataatsimiinnerani ulloq 11. februaari 2021 aamma peqataasimallutik.

Ulloq 12. marsi 2019-imi takornariaqarnermut politikki, tassani attanneqarsinnaasumik takornariaqarnerup ineriartortinneqarnissaa qitiulluinnartumik inissisimatinneqartoq, Kommunalbestyrelsimi akuersissutigineqarpoq. Taamaattumik taamanikkut Sermersooq Business Council-imit piujuaannartitsinissamik tunngavilittut akuerisaanissaq sulissutigineqalerpoq. Ulloq 20. aprili 2020 Aningaasaqarnermut Inuussutissarsiornermullu Ataatsimiititaq ilisimatinneqarpoq Kommuneqarfik Sermersooq EarthCheckimik suleqateqarnissamik isumaqatigiissuteqartoq, taanna Nuup takornarissanit ornigarneqarnissaanik akuersissuteqartussaavoq. Ulloq 12. novembari 2020 Aningaasaqarnermut Inuussutissarsiornermullu Ataatsimiititamit Inuussutissarsiorneq pillugu pilersaarut 2021 akuerineqarpoq, tassani EarthCheckimit allagartaq ilaavoq.

Allagartaq Nuup piujuartitsisuuneranik oqarnissamut atorneqarsinnaanngilaq. Allagartaq piujuartitsinerimik suliaqarnermut sakkussaavoq. Allagartap nassatarivaa:

1. Kommuneqarfik Sermersooq DMO pillugu piujuartitsinerimik politikkeqassasoq. Politikki ukiut tamaasa nutarterneqartarnisaat.

2. Kommuneqarfik Sermersooq piujuaannartitsinerup iluani pitsaassutsinut tunngasunik apeqqutunik akissuteqartassasoq. Akissutit ukiut tamaasa nutarterneqartarnissaat. Nuummi piujuaannartitsineq pillugu apeqqutit assigiinngitsut 265-it isummerfigineqarput imm. 3 ilanngullugu.
3. Kommuneqarfik Sermersooq piujuaannartitsinermit tunngatillugu kisitsisitigut paasissutissanik EarthCheckimut tunniussisassasoq. Paasissutissat ukiut tamaasa tunniunneqartassapput. Tunngavigineqartuni Nuuk ajornerusumik inissisimassappat, taava tamanna tunngavigineqartunut nallersuutinngitsutut nalunaarsorneqassaaq.
4. Kommuneqarfik Sermersooq takornarialerinermit suliaqarnermi piujuartitsinerup iluani inatsisinik tamanik malinnissasoq. Taanna ukiumoortumik nutarterneqartassaaq.
5. Nuuk ajutoorutaasinnaasunik nalilersuissasoq aamma piujuartitsinermit ineriartortitsinermit iliuusissamik pilersaarusiussasoq ukiumoortumik nutarterneqartartussanik. Iliuusissamik pilersaarut ingerlanneqarsimasut pillugit nalunaarusiami imm. 3-miittunik tamanik imaqartinneqassaaq, nallersuutinngitsut aamma tulluuttut KPA-t 12-it:
 - a. Nukissiuutunik atorluaaneq, eriaginninneq ingerlatsinerlu
 - b. Drivhusgassit
 - c. Silaannaap pitsaassusaanik illersuineq, nipiliornermik aqutsineq aamma qullernit mingutsitsineq
 - d. Pisuussutunik uumassusilinnik nakkutilliineq
 - e. Imermik errortuutikumik passussineq, kuuffilersuineq aamma kuuit
 - f. Pinngortitap ataqatigiinneranut eriaginninneq aqutsinerlu.
 - g. Nunaminertamik atuinermit tunngatillugu pilersaarusiorneq ineriartortitsinerlu
 - h. Angalaneq
 - i. Eqqagassalerineq
 - j. Avatangiisinut mingutsitsisinnaasunik aqutsineq
 - k. Kulturikkut isumaginninnikkullu aqutsineq
 - l. Aningaasaqarnikkut Ingerlatsineq
6. Suut tamarmik takuneqarsinnaapput aamma pappialat tamarmik tamanut saqqummiunneqassapput uani: www.colourfulnuuk.com siunissamilu uani: www.visitnuuk.com. Pappialat suliniullu pillugit kikkut tamarmik isummersuuteqarsinnaapput uani: www.colourfulnuuk.com.

Ulloq 27. oktobari 2020 Kommuneqarfik Sermersuup EarthCheckimit ingerlanneqarsimasut pillugit nalunaarusiaq siulleq tiguaa, tassaniippat 2019-imi ukioq naallugu paasissutissat. Taannalu "Bronze-certifikat"-imik ulloq 2. novembari 2020-mi kinguneqarpoq. Ulloq 17. maaji 2021 Kommuneqarfik Sermersuup ingerlanneqarsimasut pillugit EarthCheckip nalunaarusiaata aappaa tiguaa, tassaniippat paasissutissat 2019-imeersut aamma 2020-meersut. Ulloq 14. juuni 2021 Nuuk attuumassuteqanngitsumit misissuiffigineqarpoq. Angalanerup killilersorneqarnera pissutigalugu 2021-mi misissuineq immikkut ittumik qarasaasiakkut ingerlanneqarpoq. Ulloq 23. juuli 2021 Nuup "Sølv-Certifikat" pissarsiarivaa, illoqarfiit pingaarnersaattut nunarsuarmi siullersaalluni piujuaannartitsinermit allagartalerneqarpoq.

EarthCheckimik isumaqatigiissuteqarneq

Kommuneqarfik Sermersooq ilaasortaanermit ukiumut EarthCheckimut AUD\$10.000-inik akiliisarpoq (DKK 50.000-it missai). Taakku saniatigut arlaannaannulluunniit attuumassuteqanngitsumit misissuisitsinermit ukiumoortumik akiliuteqartoqartarpoq. Misissuisitsinermit ulloq siulleq AUD\$ 2.410-nik akeqarpoq (DKK 12.000-it miss.) aamma ullormi

tullermi AUD\$ 1.650-inik akeqarpoq (8.000 DKK-it miss.) kiisalu angalaneq najugaqarnerlu ilanngullugit. Misissuinermini ullut qanoq amerlatigisut atorneqarnissaat EarthCheckimit nalilernerqartarpoq aamma misissuititassaq Kommuneqarfik Sermersuup atortussat paasissutissallu tunniussai tunngavigalugit.

EarthCheckimik isumaqatigiissuteqarnikkut Nuummi piujuartitsineq pillugu paasissutissat tunngavigalugit Kommuneqarfik Sermersooq nunat tamalaat najoqqutaat malillugit suliaqarsinnaatilerpaa. Tassani avatangiisinut, atukkanut, kulturimut aamma aningaasaqarnikkut attanneqarsinnaasunut tunngasut pineqarput. Allaffeqarfiup nalilerpaa, EarthCheckimik suleqateqarneq illoqarfiup attanneqarsinnaasumik ineriartortinneqarnissaanut aamma attanneqarsinnaasumik takornariaqarnerup ineriartortinneqarnissaanut iluaqutaasoq. Suleqatigiinnermi sakkussap atorneqarsinnaanerata saniatigut aamma EarthCheckip uppernassusia tusagassiutinillu suliaqarnera apeqqutaapput. Allagartaq sakkussaavoq aamma ingerlaavartumik ungasinnerusoq isigalugu pitsanngorsaanerup ingerlanneqarnerani.

Suliffeqarfimmut Kiffartuussivimmit aningaasatigut naliliineq Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussaq Ilanngussaqanngilaq.

Meeqqerivinnut utaqqisut allattorsimaffii pillugit ilisimatitsissut

Ilisimatitsissut

SagsID.: EMN-2021-11611

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atuallinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelse utaqqisut allattorsimaffianik pilersitsinissaq pisussaaffigaa.

Kommunimi utaqqisut allattorsimaffiisa kvartalit pingajuanni 2021-imi septembarip 14-ianni killiffiat tassaavoq, kommune tamakkerlugu meeqqerivinnut, angerlarsimaffimmi paarsisartunut aammalu atuartut sunngiffimmi ornittagaannut meeqqat 230-t utaqqisuutigineqarput (AKO/FRO). Meeqqat 230-t katinnerannit Nuummi utaqqisut allattorsimaffianniittut amerlanerpaajupput. Nuummi meeqqat 211-t utaqqisuutigineqarput, tassalu kommune tamakkerlugu utaqqisut 92%-iisa amerlaqataat.

Tabeli 1: Septembarip 14-ianni 2021-imi utaqqisut allattorsimaffii imatut isikkoqarput

Sted / Sumiiffik	Meeraaqqerivii t	Meeqqeriviit	AKO/FRO	Atuarfinni paaqqinniffiit	Ulluunerani paaqqinnittarfiit/Init pinnguarterfiit	Katillugit
Nuuk	165	23	20		3	211
Paamiut	1	0		0		1
Tasiilaq	4	2		5	0	11
Ittoqqortoormiit	4	0		0		4
Kapisillit					0	0
Qeqertarsuatsiaat				0	0	0
Arsuk					0	0
Kulusuk					1	1
Tiilerilaaq					0	0
Kuummiit					0	0
Sermiligaaq					2	2
Isertoq					0	0
Katillugit	174	25	20	5	6	230

Nuummi meeqqat 211-t utaqqisut allattorsimaffianniittuutigineqartunit, meeqqanit taakkunannga 165-it meeraaqqerivinnut utaqqisuutigineqarput.

Utaqqisut allattorsimaffianni amerlanerpaat tullianiipput meeqqerivinnut utaqqisuutigineqartut, taakkununga kommune tamakkerlugu 25-it utaqqisuutigineqarmata.

Nuup avataatigut kommunimi meeqqat utaqqisuutigineqartut killeqarput, taamaakkaluartoq meeqqat Tasiilami paaqqinnittarfinnut assigiinngitsunut utaqqisuutigineqartut aqqaniliupput.

Meeraaqqerivinnut utaqqisut tamaasa eqqarsaatigalugit utaqqisut allattorsimaffii allaaserineqassappata, ingerlatsiviup siullermik erseqqissaatigissavaa, utaqqisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allanngorarsinnaasarmata. Ataatsimut isigalugu, Nuummi utaqqisut allattorsimaffii septembarimiit meeqqat atualinnginnerminni AKO-nut nuukkiartornerat ilanngullugu ukiup tulliani marsi/apriilimut amerlanerusarput.

Utaqqisut allattorsimaffiini aamma imaattarpoq, arlalinnik akimmiffissaqalersarnera. Tamanna pisarpoq, meeraaqqerivimmi meeraq ataaseq arlalilluunniit, meeqqerivimmut nuunnissamut piareersimasut, kisiannili meeqqerivimmi meeraaqqerivimmiittuutitut akiliunneqarluni inissanik peqanngitsillugu. Assersuutigalugu meeqqerivimmi inissaqalerpat, meeqqat meeraaqqerivimmiittut, meeraaqqerivinnut utaqqisuuniittut inissaannik pissarsisarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut eqqaasinnaavai, pingaartumik Nuummi meeraaqqerivinnut inissamik utaqqisut allattorsimaffiisa sooq taamatut isikkoqarnerannik nassuiaatigineqarsinnaasunik. Tamakkua pissutsinut makkununga attuumassuteqarsinnaapput:

- Illoqarfinnit, nunaqarfinnit, kommuninit nunanillu allaniit Nuummut nutserarnek, aammalu ilinniagaqareernerup kingorna Nuummut angerlaqqittarnerit. Tassunga ilanngullugu illoqarfiup inuttusiartornera tamaat isigalugu.
- Meeqqat 41-t maannakkut meeraaqqerivimmiilernissaminnut suli nukangavallaartut, utaqqisulli allattorsimaffiannut allatsereersimasut.
- Meeqperivinnut inissat 26-nik ikinnerusut, ulluunerani neqeroorutit tallimat nutaanut marlunnut ataatsimoortilernissaannik peqquteqartumik. Taamaasillutik meeraaqqerivimmiittut 26-it meeqqerivimmiilernissaminnut utaqqipput.

Meeqqanut Atuarfeqarnermullu Ingerlatsiviup utaqqisut allattorsimaffii qaammatikkaartumik malinnaaffigisarpari, utaqqisulli allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tamanna ilaatigut makkuninnga suliaqarnikkut pisarpoq:

- Ukioqatigiinngitsunut meeqqerivinnik marlunnik sanatitsineq, siulleg februaari 2022-mi naammassissangatinneqartoq, aappaalu aggustimi ukioq taanna naammassissangatinneqarluni. Aamma tassani Kommunalbestyrelsimut qinnuteqaatigineqarnikuuvoq meeqqerivinni taakkunani meeqqat amerlassusissaannik allannguisoqarnissaa, taamaasilluni meeraaqqerivinni inissanik amerlanerusunik meeqqerivinni inissanut taarsiullugu pissarsisoqarniassammat.
- Paaqqinnittarfiit assigiinngitsut akornanni nuuttarnerit (meeqperivik, AKO aamma FRO) januaarimi/februaarimi qaammatit marsimi/apriilimilu taarsiullugit, soorlu ukiut siuliini

taamaassimasoq. Tamatuma kingunerisaanik meeqqat utaqqisut allattorsimaffianniitinneqartut sivikinnerusumik utaqqisalissapput, ukiumi siusinnerusukkut nuuttussanngortassammata.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Meeqqanut sulit atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Siusinnerusukkut aalajangerit

Meeqqanut Atuarfeqarnermullu Ataatsimiititaq, 27.10.21:

Ilisimatitsissut tusaatissatut tiguneqarpoq, suliarlu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut ilisimatitsissutit ingerlateqqinneqarluni.

Ilanngussaq

Soqanngilaq.

Nuussuup Atuarfiani nakkutilliineq pillugu nalunaarusiaq

Ilisimatitsissut

SagsID.: EMN-2021-14656

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Nuussuup Atuarfia pillugu nakkutilliinermi nalunaarusiaq tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliisussaataavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuariini ukiumut ataasarluni nakkutilliiartortarnissaq siunniunnikuuaa.

Ulloq 5. februaarip 2021 Atuarfeqarnermut Immikkoortortaq Nuussuup Atuarfianut siumut ilimasaareqqaarluni nakkutilliiartorpoq.

Atuarfik katillugit 324-nik nalinginnaasumik klassini 16-ini kiisalu immikkut ittumik klassinut arfineq-pingasunut agguataakkanik, atuartoqarpoq. Klassinik amerlassusiliineq malillugu nalinginnaasumik klassit 17-usinnaapput, nalinginnaasumik klassini atuartut 13 kiisalu immikkut ittumik klassini atuartut 6,25-upput. Atuarfik aamma ataasiakkaanik atuartunik tikeraartunik peqarpoq. Taakkua saniatigut Ulloq Naallugu Atuarfik Nuussuup Atuarfianit ataqatigiissarneqarpoq. Ulloq Naallugu Atuarfik atuariup immikkut isumaginninnermi perorsaanermut immikkoortortarivaa.

Atuarfik atuariimmi pisortamik ataatsimik, pisortap tullianik ataatsimik kiisalu immikkoortoqarfinni aqutsisunik 3-nik aqunneqarpoq. Atuariimmi sulisut, ilinniartitsisut aamma aqutsisut tamakkiisumik sulisut katillugit 53-inik amerlassusiligaapput. Tamatuma saniatigut atuariup siulersuisuinik aamma elevrådinik peqarpoq.

Atuartsinerimut piffissamut tunngatillugu atuarfeqarnermut inatsimmi atuartunut nalinginnaasunut aamma immikkut ittumik klassinut piumasaqaatit minnerpaamik malinneqarput. Taamaattorli Ulloq Naallugu Atuariimmi klassit nalinginnaasumik immikkut ittumik klassinut allanngortinneqarnissaat atuariup toqqarsimavaa. Tamannali anguniakkamut akerliummat, tassa Ulloq Naallugu Atuariup atuariimmi immikkut isumaginninnermi perorsaanermut immikkoortorissagaa, Atuariinnut Immikkoortoqarfiimmit erseqqissaassutigineqarpoq immikkut ittumik atuartsinerup aqqissuunneqarnera, Ulloq Naallugu Atuarfik ilanngullugu, siunissami Ilinniartitsisunik pisariaqartitsinerup misissoqqissaarneqarneranut atatillugu, Atuariinnut Immikkoortoqarfiimmit ilusiliunneqartoq malinneqartassaaq.

Atuariinnut Immikkoortoqarfiimmiit ilanngullugu oqaatigineqarpoq, ukiumi atuariusumi 2020/2021 atuariimmi ilinniartitsisut 1964,38 tiiminik atuinerusimasut. Tassani atuariinni aqutsisut akunnerit atugassat/tunniunneqartut ukiumi atuariusumi matumani 2021/2022-mi qaangerneqanngissaat immikkut eqqumaffiginiassagaat Atuariinnut Immikkoortoqarfiimmiit maluginiaqquneqarpoq.

Nuussuup Atuarfiani sapaatip akunneranut, semesterimut, ukiumut pilersaarutit pilersaarusiornermut aamma atuartitsinerup sammisassallu aaqqissuunneqarnerinut atorneqartarput. Taakkua ilinniartitsisunit suliarineqartarput atuariuullu intranettianut ivertinneqartarput, angajoqqaanit atuartunillu aamma takuneqarsinnaasunngorlugit.

Atuartut atuanngitsoorneri assammik protokolinit nalunaarsorneqartarput, atuariuulli Atuarfik Hans Lynge (AHL) suleqatigilerpaa, tassani AHL-ip atuarfik atuartut atuanngitsoornerinik elektroniskimik atortumik Tabulex-TEA-mik nalunaarsuisarnissaanik ikiussavaa. Ukiumi matumani atuariusumi 2021/2022 atuartut atuanngitsoortarnerisa tassani nalunaarsorneqartarnissaat anguniagaavoq. Naak atuariup Skoleintra atorlugu angajoqqaanut meeqqat atuanngitsoortarnerinik nalunaarutiginnittaraluartoq, nakkutilliartornermit maluginiarneqarpoq ilinniartitsisut namminneq mobiltelefonitik atorlugit aamma nalunaarutiginnittartut. Tassani Atuarfinnut Immikkoortoqarfimmiit ilisimatitsissutigineqarpoq ilinniartitsisut tamarmik namminneq telefonitik taamatut atortassanngikkaat, kisiannili Skoleintra suli atortassagaat imaluunniit periarfissatut allatut atuariup sulinermit atatillugu telefonia atorneqartassasoq.

Atuartut fagini takutitaat angusaallu eqqarsaatigalugit, atuariup aqutsisuinit erseqqissarneqarpoq angusat, pingaartumik trinnini misilitsinnerni, naammagisimaarneqartut. Fagini tamani atuartut illersorneqarsinnaasumik naammassisaqarnerat ataatsimut akunnattumiit pitsaaneruvoq (50-60 %-it akornanniilluni) 3. aamma 7. klassini, kisianni 7. klassimi matematik pinnagu. Erseqqissarneqarsinnaavoq, illersorneqarsinnaasumik naammassisaqarneq 3. klassini, fagi danskimi agguaqatigiissillugu 74 %-iuvoq aamma 7. klassimi illersorneqarsinnaasumik naammassisaqarneq fagimi engelskimi 63 %-iulluni.

Atuarfimmi aqutsisunit anguniarneqarpoq siunissami 3. aamma 7. klassini trinnini misiliinermi illersorneqarsinnaasumik naammassisaqarneq fagini tamani 75%-iunissaa pillugu.

Atuartut soraarummernermi ilinniartitsissutigineqartunik angusaat agguaqatigiissillugu pitsaasup (C/7) aamma akunnattumik angusaqarnerup (D/4) akornanniippoq. Taamaattoorli atuartut kingullermik soraarummeertoqarnerani assersuutigalugu tuluttut oqaluttariarsornermi angusaqarluarput, tassani agguaqatigiissillugu 11,45-mi inissisimavoq. Aamma inuiaqatigiilerinermi oqaluttariarsornermi angusaqarluarput (7,43) kiisalu suliniutinik suliaqarnermi (6,45). Atuarfimmi 10. klassereerlutik soraarummeertut amerlanerpaartaat ilinniarnermik sulinermilluunniit aallartitsipput.

Ataatsimut isigalugu Nuussuup Atuarfia pitsaasumik ataqatigiisumik atuartitsisarnermut tunngavissaqartutut oqaatigineqarsinnaavoq, ilinniartitsisut akornanni taaseraattoqannginnerunera pissutigalugu. Suliat kisiisa eqqarsaatigalugit atuarfik nuna tamakkerlugu agguaqatigiissitsinermut sanilliullugu inissisimanera ajunngilaq, pitsaasuuvorlu atuariup aqutsisuinit sulianik angusaqartarnerup pitsanngorsarneqarnissaa, pisariaqartinneqartoq, suliniutissatut tigusimammassuk. Peqatigitillugu atuariup initamigut avatangiisiisa pitsaanerulersinneqarnissaat assut iliuuseqarfigineqarpoq. Ilinniartitsisut piginnaasaasa atornissaannut annerusumik iliuuseqartoqarniarpoq kiisalu atuariup siunnersuisarfianiit siunnersuineq annertusitinneqassaaq, tamanna 10. klassertoqareernerani ilinniartinni aallartittartut amerlanerulernissaanik kinguneqarnissaa neriuutigineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattitallit

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

Siusinnerusukut aalajangerit

Meeqqanut Atuarfeqarnermullu Ataatsimiititaq, 27.10.21:

Ilisimatitsissut tusaatissatut tiguneqarpoq, suliarlu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut ilisimatitsissutitut ingerlateqqinneqarluni.

Ilanngussaq

1. Nuussuup Atuarfia pillugu nakkutilliinermi nalunaarusiaq



Angerlarsimaffeqanngitsut ajornartoornermi unnuisarfiannik ingerlatsinermik tiguserup killiffissiornera

Ilisimatitsissut

SagsID.: EMN-2021-15063

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Aggustip 27-anni 2021 Suliffeqarnermut Isumaginninnermullu Ingerlatsiviup Tarraq

ingerlatsinermut isumaqatigiissuteqarfiginera taamaatippaa, taavalu Nuummi

angerlarsimaffeqanngitsut unnuisarfiat najukkani Kujallerpaat 7-imi, aammalu Blok C, D-mi

Kongevejimiittut ingerlanneqarnerat tigullugit.

Tamatuma kingornagut piffissami siullermi angerlarsimaffeqanngitsunut ajornartorsiuteqartunullu aqqusinermi sullissisartut ajornartoornermi angerlarsimaffeqanngitsut unnuisarfiata ingerlanneqarnera isumagisarilerpaat.

Sulisut atuisullu qanoq ingerlanerisa malinnaaffiginerisa saniatigut, suliassat assigiinngitsut arlaqartut isumagineqarsimapput, tassunga tunngatillugu suliarineqartussat ilaatigut internettimut attaveqaatip aallarteqqinnera, inissiat ilaanni innaallagiaqannginneq aammalu damvaskerimik isumaqatigiissuteqarnissaq, oqorutit qaliinik ullut tamaasa errorsisoqartarnissaa pillugu.

Suleqatit

Angerlarsimaffeqanngitsut unnuisarfianni sulisut atuisullu ingerlallualernissaat

aaqqissuunneqarnissaallu qitiutillugit sammineqarsimapput.

Sulisut 14-it pisariaqartinneqartut nalilerneqarpoq, piffissat suliffiusartussat ataqatigiissikkumallugit.

Sulisussat tamakkerlugit pissarsiarineqarnerat iluatsippoq, sulisullu tamarmik sulineri isumaqatigiissusiorfigineqarlutik. Sulisut akulikitsumik ataatsimeeqatigineqartarput.

Angerlarsimaffeqanngitsut unnuisarfianni aqutsisoq sulisussanik atorfinitsitsisarpoq, aammalu atorfininnermi isumaqatigiissutinik atsiorsinnaatitaalluni, sulisunillu soraarsitsisinnaatitaalluni.

Atuisut

Angerlarsimaffeqanngitsut unnuisarfiat ullup ingerlanerani matusarpoq suliassaqaartitsisoqarnissaa eqqarsaatigalugu. Aamma illumi malittarisassat atuutilersinneqarput, aammalu qaammammut ataasiarluni atuisut ataatsimiitinneqartassapput.

Suliamik ataqatigiissaarisoq iliuusissatut pilersaarusiortarnermik nangitsissaaq.

Arnat blok C-miiginnarlutik namminneq inigisaminniissapput. Arnat atuisut 15-it missaanniipput. Pitsorluttut inissianut allernut nuutinneqarput.

Kujallerpaani inissat 36-iupput, blokkinilu tamani 30-nik inissaqarpoq.



Suliamik ataqatigiissaarisoq attaveqaatit ataatsimeeqatigisarnissaannik aallartitsissaaq, taavalu angerlarsimaffeqanngitsut unnuisarfianni avataanilu suleqatit, soorlu peqqinnissaqarfiup attaveqarfigeqqittalernissaa isumagalugu.

Ingerlariaqqinnissaq

Maanna aallarniutigalugu ingerlalluartoqalerlunilu eqqissisimasoqalerpoq, kisianni sulii qanoq ingerlariaqqinnissaq pillugu ungasinnerusorlu eqqarsaatigalugu suliatigut qanoq sullissisoqassanersoq pillugu malinnaasoqartariaqarpoq. Pisariaqartitsineq naapertorlugu ingerlatsivik ataatsimiititamut ilisimatitsissuteqarlunilu aalajangiiffissatut siunnersuuteqartassaaq.

Ingerlatsivimmit aningaasatigut sulisoqarnikkullu naliliinerit

Isumaqatigiissutip atorunnaalinnginnera sioqqullugu suliassamik tiguserup aningaasatigut kingunerisassartai maanna malinnaaffigineqarsinnaaleriartorput .

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatallit

- Angerlarsimaffeqanngitsuuneq pillugu periusissiaq
- Angerlarsimaffeqanngitsuuneq pillugu immikkoortumut pilersaarut

Siusinnerusukkut aalajangerit

Suliffeqarnermut Isumaginninnermullu Ataatsimiititaq, 26.10.21:

Inassuteqaat akuersissutigineqarpoq.

Ilanngussaq

Ilanngussartaqanngilaq.

Kommunimut pilersaarummut tapiliussatut siunnersuut 3A9-1 Nuussuup Manngua, Nuuk

Inissiat inuusuttunut utoqqarnullu naatsorsuussat

Aalajangiiffigisassaq

SagsID.: EMN-2021-12734

Sanarfinermut Avatangiisinullu Ingerlatsivik – pisortaaq Hans Ulrik Skifte / HUS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 3A9-1 Nuussuup Manngua, Nuuk, tamanut tusarniaassutigineqarnissaa siunertaralugu akuersissutigineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussassatut siunnersuummi 3A9-1-mi Nuussuarmi inuusuttunut utoqqarnullu naatsorsuussanik inissialiornissamut periarfissiisoqassaaq, taannalu marsip ulluisa aappaanni 2021-imi kommunalbestyrelsimut akuersissutigineqarpoq.

Pilersaarummi immikkoortoq nutaaq inissialiorfissatut immikkoortinneqarpoq 3A9, 3C2 aamma 3C5 ataatsimoortinnerisigut 3A4 aamma 3D1-ip ilaatut.

3C2 aamma 3C5 ullumikkut vandrehjemmiliorfissatut oqaluffiliorfissatullu immikkoortinneqarnikuugaluarput.

3A4 Siaqqinnerup kangiani inissiaqarfiuvoq.

3D1 sanaartorfioqqusaanngilaq, Annersuaq/ Angajua kaajallallugu.

Immikkoortup ilaa nutaaq immikkoortut ilaannut pingasunut agguataarneqassaaq:

Immikkuualuttoq 1: Peter Thårup Høeghip Aqq kujataata tungaani Nuussuullu kitaatungaani inissisimavoq. Tassani sanaartorfissat sisamat tikillugit qulereeqartussanik inissialiorfissat arfineq pingasut immikkoortinneqarput.

Immikkuualuttoq 2: Peter Thårup Høeghip Aqq. avannaata tungaani, tamaani Siaqqinneq allanngortitissaaq kaajallattarissamillu pilersitsisoqarluni. Tamaani sisamanik quleriinnik sisamat tikillugit portussusilinnik inissialiornissamut immikkoortitsisoqassaaq.

Immikkuualuttoq 3: Sumiiffiup Annersuaq/ Angajua avannamut kimmut ilaani. Tamaani sanaartorfissaq ataaseq immikkoortinneqarpoq, qitusoqarfimmik sanasoqarsinnaavoq quleriit pingasut tikillugit portussusilinnik.

Pilersaarutitut siunnersuutip tamanut tusarniaassutigineqarneranut atatillugu Biskoppeqarfik, Qeqqani Tunumilu Provsti, Ilageeqarnermut Naalakkersuisoqarfik pilersaarummillu piginnittut ataatsimeeqatigineqarsimapput, immikkoortup ilaani 3C2-mi oqaluffiliortoqarnissaanut tunngatillugu pilersaarutit paasilluarneqarniassammata. Aamma immikkoortup ilaani 3-mi qiterisaqarfiliornissamut atatillugu oqaluffiliorfissaqarnissaa pillugu pitsaasumik aaqqiissuteqartoqarnissaanut isumaqatigiissuteqartoqarpoq.

Pilersaarummi inissialiornissat saniatigut pineqarput najugallit eqqaamiuisalumi sukisaarsarfissaannik pilersitsinissaaq. Matumani pineqarput basketball-ertarfik, uninngaartarfiit aammalu qitusoqarfik timersornermut sunngiffimmilu sammisaqarnermut, cafe-mut aamma oqaluffimmi iliuuseqarnissamut immikkullu nalliuttunut inimik periarfissalik.

Ingerlatsivimmit aningaasatigut sulisoqarnikkullu naliliinerit

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaq suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa. Aamma taamaappoq aqquserngup allanngortinneqarnissaanut atatillugu nutaamillu kaajallattarfiliornissamut tunngatillugu.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangerit

Sanarfinermut Avatangiisinullu Ataatsimiititaq, 30.10.21:

Inassuteqaat akuersissutigineqarpoq.

Ilanngussat

1. Kommunimut pilersaarummut tapiliussassatut siunnersuut 3A9-1 Nuussuup Manngua, Nuuk

Siunnersuut - 2D1, Nuussuup kujammut Nuua, Nuuk

Aalajangersakkt pingaarnert pillugit nutaatut siunnersuut

Aalajangiiffigisassaq

SagsID.: ANL-2021-00009

Sanarfinermut Avatangiisinullu Ingerlatsivik – pisortaq Hans Ulrik Skifte / HUS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- 2D1 Nuussuup kujammut nuuanut aalajangersakkt pingaarnert pillugit nutaatut siunnersuut itigartitsissutigineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup 2D1 Nuussuup kujammut Nuua, Nuuk pillugu aalajangersakkt nutaat matumuuna saqqummiuppaa. Immikkoortup ilaa 2D1 sukumiisumik aalajangersaatinik pilersaarusiorneqarnikuunngilaq.

Sanarfinermut Avatangiisinullu Ingerlatsivimmit immikkoortoq pingaarnertut D-tut atorneqassasoq nalilerneqarpoq. Kommunimut pilersaarut 2032 malillugu tulliuttut atuupput:

“Nunaminertat sanaartorfigeqqusaanngitsut nunaminertallu sunngiffimmi sammisassaqtitsinermi atortulersuutitallit, nunaminertat tamakku atorneqarnerini ingerlanneqarnerinilu atortulersuutit pisariaqartinneqartut eqqaassanngikkaanni, sanaartorfigineqassanngillat. Sanaartorfigeqqusinnginneq tamanna ilutsimi pingaarnermi aqqusinissatut, aqqusineerassatut, ledningeqarfissatut teknikkikkullu atortulersuuteqarfissatut - soorlu tele aqqutigalugu sumiissusersiutit, teknikkikkut nakkutilliissutit aamma sumiiffimmi aalisarnertut, piniarnertut sukisaarsarfittullu siunertat pisariaqartinneqartut - aallaavigineqartut piviusunngortinneqarnissaannut akornutaanngilaq.”

Matumani aalajangersakkani nutaani immikkoortumi inissamik sinneruttoqanngilaq, tamannalu pillugu immikkoortumi sanaartortoqarsinnaanngilaq.

Siunnersuut tamanut tusarniaassutigineqassaaq sap. ak. 6-ini.

Matumani kommunimut pilersaarummut tapiliussatut siunnersuutip akuersissutigineqarneratigut pingaarnertut aalajangersakkt pioreersut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Aalajangersakkanik pingaarnernik suliaqarneq aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangernerit

Sanarfinermut Avatangiisinullu Ataatsimiititaq, 30.10.21:

Inassuteqaat itigartinneqarpoq, Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqarluni.

Ilanngussaq

1. Aalajangersakkat pingaarnerit
2. Nunap assinga ilanngussaq



Kommunimut pilersaarummut tapiliussamut 4B7-1 Niaqornannguaq Nuuk siunnersuut

Aalajangiiffigisassaq

SagsID.: EMN-2021-12694

Sanarfinermut Avatangiiisinullu Ingerlatsivik – pisortaq Hans Ulrik Skifte / HUS

Inassuteqaat

Sanarfinermut Avatangiiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4B7-1 Niaqornannguaq, Nuuk, tamanut tusarniaassutigineqarnissaa siunertaralugu akuerineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussatut siunnersuummi 4B7-1 Nuummi Atortussiassanik Suliaqarfik, juunip aallaqqaataanni 2021-imi kommunalbestyrelsimut pilersaarutitut siunnersuutitut akuersissutigineqartoq periarfissaalissaaq.

Pilersaarummut ilanngullugu immikkoortup ilaa 4B7 immikkoortinneqarpoq, tassanilu atortussiassanik suliaqarfimmik pilersitsisoqarsinnaavoq, ujaqqanik sioqqanillu tulaassuiffiullunilu nassiussisarfeqassalluni, aserorterveqassalluni aammalu atortussiassanik immikkoortiteriveqassalluni, atortussiassanillu assigiinngitsunik inaalitsiviussalluni. Atortussiassat inaalitsivinnut qarmakkanut immikkoortitigaassapput. Tamatuma saniatigut pilersaarummi umiarsualiviliornissaaq, illunillu ataasiakkaanik suliffeqarfimmut atasunik sananissaaq periarfissaalissaaq.

Immikkoortoq ullumikkut inuussutissarsiorfissatut umiarsualiviliorfissatullu immikkoortinneqarpoq, inissisimaffiatu mittarfittaassap eqqaaniinnera pissutigalugu, soorlu allaffeqarfiliorfissatut assigisaannillu tunngasunik inuussutissarsiuteqarfissatut naleqqutinngitsutut nalilerneqarpoq. Illoqarfiit pingaarnersaannut periusissiami kommunalbestyrelsip takorluukkatut oqaasertaliussaanut pilersaarut , aammalu Nuummi inuussutissarsiuteqarfiit katersuuffissaatut immikkoortinneqartumut pitsaasumik ilassutaasutut nalilerneqarpoq.

Kommunimut pilersaarummut tapiliussassatut siunnersuut sapaatit akunnerini arfineq-pingasuni tamanut tusarniaassutigineqassaaq, kingornalu politikkikkut oqaluuserineqaaqqissalluni. Pilersaarummut tapiliussaaq Kommunalbestyrelsimut inaarutaasumik akuersissutigineqassappat, nunaminertamik atuinnissaaq sanaartornissamullu akuersissut tunniunneqassappat.

Ingerlatsivimmit aningaasatigut sulisoqarnikkullu naliliinerit

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaaq suliarineqarpoq.

Pilersaarutitut siunnersuummi sanaartorfissagissaanissaaq il. il. pilersaarummik piginnittup akilissavaa.



Suliffeqarfimmut Kiffartuussivimmit aningaasatigut naliliineq
Soqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangerit

Sanarfinermut Avatangiisinullu Ataatsimiititaq, 30.10.21:
Inassuteqaat akuersissutigineqarpoq.

Ilanngussat

1. Kommunimut pilersaarummut tapiliussatut siunnersuut, 4B7-1 Niaqornannguaq, Nuuk

Kommunalbestyrelsimi qinikkatut sulinermi pitsaasumik attaveqaqatigiittarnissamik ataatsimoortumik malittarisassat

Aalajangiiffigisassaq

SagsID.: EMN-2021-15825

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

- pitsaasumik attaveqaqatigiittarnissamik ataatsimoortumik malittarisassat akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersuumi kommunalbestyrelsimi qinikkatut sulinermi pitsaasumik attaveqaqatigiittarnissaq ataatsimoortunillu malittarisassaqarnissaq qulakkeerniarlugu, qinikkatut sulinermi pitsaasumik attaveqaqatigiittarnissamut ataatsimoortumik malittarisassaliortoqarpoq. Malittarisassat pisortatigoortumik malittarisassat aqutsinermut inatsimmeersunik aallaaveqarput. Kommunalbestyrelse qanoq suleriaaseqassanersoq kommunimilu politikkimik aqutsisuunissaat malitassami nassuiaateqarfigineqarpoq.

Kommunalbestyrelsimi qinikkatut sulinermi ataatsimoortumik malittarisassani innersuussuteqartoqarpoq. Malittarisassat qulequttanut pingasunut pingaarnernut agguataarneqarput, kommunalbestyrelsimi sulinermi qinikkatut sulinermi najoqqutassat ilaattut. Qulequttat pingasut tassaapput; Kommunalbestyrelsimi namminermi sulineq, Kommunalbestyrelsip avataaniittunik suleqateqarnera aammalu Kommunalbestyrelsip allaffeqarfiullu akornanni Suleqatigiinneq.

Qulequttat taakkunungalu innersuussutit ilanngussami takussutissiarineqarput.

Qinikkatut kommunalbestyrelsimi sulinermi pitsaasumik attaveqaqatigiittarnissamik ataatsimoortumik malittarisassat aamma Aningaasaqarnermut Inuussutissarsiornermullu Ataatsimiititami ataatsimiititanilu ataavartuni aamma atuutissapput.

Kommunalbestyrelsimi ilaasortat malittarisassani innersuussutigineqartut tamaasa politikkikkut sulinerminni ataatsimoorlutik akisussaaffigivaat.

Ingerlatsivimmit aningaasatigut sulisoqarnikkullu naliliinerit

Malitassat atuutilersinneqarnissaanni sulisoqarnikkut aningaasatigulluunniit kinguneqassanngilaq, ingerlatsivimmit malitassat atuutilersinneqarniarmata. Taaneqareersutut malitassat Kommunalbestyrelsimi ilaasortat ataatsimoorlutik eqquutsinnissaat akisussaaffigivaat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. Kommuneqarfik Sermersuumi qinikkatut sulinermi pitsaasumik attaveqaqatigiittarnissamik ataatsimoortumik malittarisassat

Kommunalbestyrelsen og Nunaqarfinni Aqutsisut akornanni suleqatigiinnermi politikikkut isumaqatigiissut

Aalajangiiffigisassaq

SagsID.: EMN-2021-15804

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- politikikkut suleqatigiinnermi isumaqatigiissut akuersissutigineqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumi Kommunalbestyrelsen og Nunaqarfinni Aqutsisut politikikkut suleqatigiinnissamik isumaqatigiissutaanni siunertaavoq pilersinneqassasoq kommune, Kommunalbestyrelsen, Nunaqarfinni Aqutsisut, kommunimilu ingerlatsiviit akornanni tamakkiisumik saqqumnerulersitsinissaq erseqqissaassuteqarnissarlu. Taava aamma isumaqatigiissummi aningaasaliissutinik, Kommunalbestyrelsimut atugassiissutigineqartunik, atuinnermi annertusisamik ersarinnerulersitsinissaq.

Isumaqatigiissummiipput aamma nassuiaatit makkununga tunngasut missingersuutinut, nunaqarfinnut aningaasaliissutinut, Nunaqarfiit Aqutsisunik peqataatitsinernut, Borgmesterimik ataatsimeeqateqarnermut, suliassanut inatsisitigut aalajangikkanut, Nunaqarfinni Aqutsisunik kiffartuussinermut il.il..

Siuliani isumaqatigiissut allanngortinneqarpoq Borgmesteri, Nunaqarfinni Aqutsisut allaffeqarfillu isumasioreernerisigut, Nunaqarfiit Aqutsisuisa allaffeqarfillu akornanni pitsaanerusumik oqaloqatigiittoqartarnissaa paasissutissiisoqartarnissaalu qulakkeerniarlugit.

Tamakkua saniatigut allaffeqarfimmut aammalu Nunaqarfinni Aqutsisut siunnersuutaannik missingersuutinullu kissaatigisaannik politikikkut suliarinittarnissamat nutaanik najoqqutassaliortoqarpoq.

Kiisalu inatsisinut naleqqussaasoqarpoq, Nunaqarfinni Aqutsisut aningaasaliissutinik namminneq atuisinnaatitaanerannik Aningaasaqarnermut Inuussutissarsiornermullu Ataatsimiititamat akuersissuteqartarnissaq pisariaqangimmat. Tamakkua saniatigut isumaqatigiissummi taaguutit, ilaasortat ukiullu oqaaseqatigiiliorteri allannguuteqartinneqarput.

Isumaqatigiissummi allannguutissatut siunnersuutit Borgmesterip qaammatit pingasukkaarlugit Nunaqarfinni Aqutsisunik oktobarip qaammataani 2021-mi ataatsimeeqateqarnerani eqqartorneqarput, ataanilu takuneqarsinnaallutik:

Immikkoortoq atorunnaartoq	Isumaqatigiissummut allannguut
Nassaassaangilaq – taamaalilluni isumaqatigiissummi nutaatut ilassutigineqarpoq	8. Nunaqarfinni Aqutsisut siulittaasui Borgmesterimik ataatsimeeqateqarnissaq ullunik 14-inik sioqqullugu ingerlatsivinneersunik ataatsimeeqateqarsinnaapput. Ataatsimiinnermi siunertaassalluni nunaqarfinni pissutsinut tunngasunik oqaloqatigiinnerulernikkut ilisimatitseqatigiittarnissaq

	paasissutisseeqatigiittarnissarlu. Ataatsimiinnermi oqaluusererusutat ataatsimiinnissaq ullut 14-it sioqqullugu Pisortaqatigiit Allatseqarfiannut nassiunneqartassapput. Pisortaqatigiit Allatseqarfiat ingerlatsiviit pineqartut suliamilluunniit suliallit suleqatigalugit ataatsimiinnissamik ulluliisassaaq pilersaarusiortunilu.
11. Nunaqarfinni Aqutsisut, Borgmesterip Allatseqarfianut, aprilip qaammataa sioqqullugu, nunaqarfinni aqutsisut ukiumut tullermut missingersuutissanut siunnersuutit nassiutissavaat.	12. Ukiumut missingersuusiortunermi Nunaqarfinni Aqutsisut kommunip missingersuutissaanut siunnersuuteqarnissamat periarfissaqarput.
11.2 Borgmesterip Allatseqarfiata nunaqarfinni aqutsisut siunnersuutaasa ataatsimiititanut ataavartunut ingerlateqqinneqarnissaa isumagissavaa, missingersuutissanut siunnersuutininik pingaarnersiutinissaq eqqarsaatigalugu.	12.2. Nunaqarfinni Aqutsisut missingersuutininut ukiup tullianoortunut siunnersuutaat aggustip qaammataa naatinngu Pisortaqatigiit Allatseqarfianut nassiunneqassapput. Missingersuutininut siunnersuutit ingerlatsinermut sanaartornermullu siunnersuutininut tulleriaakkamik pingaarnersiutinikkut nassiunneqassapput. Nunaqarfinni Aqutsisut aamma ingerlatsinerup sanaartornerullu iluani nunaqarfinnut aningaasaliissutitigut suut siunnersuuteqarnikkut suliarineqarsinnaanersut erseqqissaatigissavaat, aamma aningaasaliissutaareersut atorlugit siunnersuutit suut aningaasalersorneqarsinnaanngitsut ilanngullugit.
	12.3. Nunaqarfinni Aqutsisut missingersuutininut siunnersuutaasa katersornissaannut, ingerlatsivinni susasaqartuni siunnersuutit pitsaassusiisigut qulakkeernissaat aamma siunnersuutit Borgmesterimut ingerlateqqinnissaat Pisortaqatigiit Allatseqarfianit akisussaaffigineqarpoq.
	12.4. Borgmesterip aamma nunaqarfinni aqutsisut siulittaasuisa kvartalikkaartumik aappasaanik ataatsimeeqatigiinneranni Nunaqarfinni Aqutsisut missingersuutininut siunnersuutaat eqqartorneqassapput. Borgmesterip taamaalilluni tamatuma kingorna Nunaqarfinni Aqutsisut missingersuutininut siunnersuutaannit pisariaqartut kommunalbestyrelsilu politikkikkut missingersuutit pillugit isumaqatigiinniarnermut ilanngutissavai.
14. Nunaqarfimmi Aqutsisut nunaqarfinnut aningaasaliissutit atorineqarnissaannut siunnersuuteqassapput Aningaasaqarnermut Inuussutissarsiortinermullu Ataatsimiititami akuersissutigineqarnissaa eqqarsaatigalugu.	15. Nunaqarfimmi Aqutsisut nunaqarfinnut aningaasaliissutit atorineqarnissaannut siunnersuuteqassapput novembartip qaammataata naannginnerani. Siunnersuut Pisortaqatigiit Allatseqarfiannut nassiunneqassaaq, siunnersuutit pitsaassutsikkut qulakkeerneqarnissaa siunertaatalu ingerlatsivimmit imaluunniit immikkoortortani aqutsisunit akuersissutigineqarnissaa tassannga isumagineqassallutik.

14.3 Siunnersuutit Borgmesterip Allatseqarfianut nassiunneqassapput. Borgmesterip Allatseqarfia Aningaasaqarnermut Ataatsimiititamut suliarineqartussanngorlugu ingerlateqqinnissaa isumagissavaa.	
---	--

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. Kommunalbestyrelsip aamma nunaqarfinni aqutsisut akornanni suleqatigiinnermi politikkikkut isumaqatigiissut 2021-2025
2. Kommunalbestyrelsip aamma nunaqarfinni aqutsisut akornanni suleqatigiinnermi politikkikkut isumaqatigiissut 2017-2021

Inuusuttut Kommunalbestyrelsiata 2021-mi Kommunalbestyrelsimut inassuteqaatai

Aalajangiiffigisassaq

SagsID.: EMN-2021-15807

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- inuusuttut Kommunalbestyrelsiata Kommunalbestyrelsimut inassuteqaatai tusaatissatut tiguneqaqqullugit
- suliniut aallartinneqartoq "Atuarfiit assigiinngitsut akornanni ikinngutigiiinneq pitsaanerusoq" akuersaarneqaqqullugu
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Suliamik saqqummiussami uani pineqarpoq Kommuneqarfik Sermersuumi Inuusuttut Kommunalbestyrelsiata (INUUSUKOMBEST) Kommunalbestyrelsimut inassuteqaatai.

Maannakkut INUUSUKOMBEST atuuttoq 2020 ukiaanerani qinigaasut ukiuni marlunni atuuffeqarput. Kommuneqarfik Sermersuumi atuarfiit 13-it tamarmik sinniisuutitaqarput, taakkunannga atuartut marluk 7. klassinit 9. klasseniillu INUUSUKOMBEST-imi ilaasortassatut qinigaallutik.

INUUSUKOMBEST nutaat ukiumoortumik toqqaannartumillu ataatsimeeqqaarput u 10. februar 2021 Covid-19 pissutigalugu. Ukiumoortumik ataatsimiinnermi qulerutarineqarpoq "Kommuneqarfik Sermersooq aamma FN'p nunarsuaq tamakkerlugu anguniagai" ilanngussaq 1 malillugu.

Ukiumoortumik ataatsimiinneq Kommunalbestyrelsip ataatsimiittarfiani ingerlanneqarpoq aammalu atuartut Kapisilinnit, Paamiunit, Ittoqqortoormiinit, Kulusumit, Kuummiinit, Sermiligaamit, Tasilamit, Qeqertarsuatsiaanit Nuummiillu videokonference aqutugalugu peqataallutik.

Ullup ingerlanerani soqutiginninneq qiimanerlu annertoqaat aammalu Kommunalbestyrelsimut FN'ip nunarsuaq tamakkerlugu anguniagaasa iluini inassuteqaatit 23 meeqqanut inuusuttunullu tunngasunut agguataagaasut kiisalu qulaqutaq ataaseq namminneq toqqarsimasaat suliarineqarlutik (ilanngussaq 2).

Ullut ataatsimiiffiusut INUUSUKOMBEST-imi ilaasortanit pingaarnersiuinermik pingasunillu innersuussaqarnermik kinguneqarpoq.

Nunarsuarmi anguniagaq nr.	Meeqqanut inuusuttunullu sammisat	Inassuteqaatit taaguunneqarnerpaat
Nunarsuarmi anguniagaq 3 - 'Peqqinnartumik toqqissisimanartumillu peroriartoneq'	'Peqqinnartumik toqqissisimanartumillu inuusuttunngorneq' Sammisag 1	Nunaqarfinni Multibane ulloq unnuarlu atorneqarsinnaasut.

Anguniagaq 4, Pitsaassusilimmik ilinniartitaaneq.	'Meeqqat ilinniagaqalernissaminnut piareersimasut amerlanerit' - Sammisaq 2	Naqinnernik ilisarinnissinnaanngitsut immikkut ikiorserneqarnissaat aammalu naqinnernik ilisarinnissinnaanermut misiligut kalaallisut suliaq.
Anguniagaq 17 – Iliuuseqarnermi peqateqarneq	'Siunissaq ataatsimoorullugu' Sammisaq 3	Atuarfiit assigiinngitsut akornanni ikinngutigiiinneq pitsaanerusoq pilersissallugu.
Anguniagaq 13 "Silap pissusaa suliniuteqarfigalugu"	"Silap pissusaa suliniuteqarfigalugu" Sammisaq nammineq toqqagaq	Illoqarfinni nunaqarfinnilu eqqaaviit amerlanerusut

Sammisaq 1-mut "Nunaqarfinni Multibane, ulloq unnuarlut atorineqarsinnaasoq. Meeqqat inuusuttullu uummaarissuunissaat pingaaruteqarmat".

Sanarfinermut Avatangiisinullu Ingerlatsivimmit oqaaseqaatit Arsummi multibaneqareerpoq. Piffissami 2018-2021 makkunani multibane pilersinneqarsimapput: Isertoq, Kulusuk, Tiilerilaaq, Sermiligaaq. Qeqertarsuatsiaanut multibane pisarineqarsimavoq. Kuummiini arsaattarfimmik ivigaasalersuineq suliarineqarpoq.

Sammisaq 2-mut "Naqinnernik ilisarinnissinnaanngitsut immikkut ikiorserneqarnissaat aammalu naqinnernik ilisarinnissinnaanermut misiligut kalaallisut suliaq".

Meeqqanut Atuarfeqarnermullu Ingerlatsivimmit oqaaseqaatit: Suliarineqaleruttorpoq Ilinniartitaanermik aqutsisoqarfinnit naqinnernik ilisarinnissinnaannginneq pillugu suliniut 2014-mili ingerlanneqarpoq. Nittartagaanni naqinnernik ilisarinnissinnaanngitsunut suliniutimmi (iserasuaat.gl) nassaarineqarsinnaapput misilitsissutit, atorlut, nalunaarusiat ilitsersuutit il.il. Suliniutip 2020-mi ukiuaanerani atuutilersinneqarnissaa isumaasimavoq, atorlut ilisaritinneqarnerat atuutilersinneqarnerallu naqinnernik ilisarinnissinnaannginneq pillugu ataatsimeersuartitsinermi malitseqartinneqartussaalluni.

Sammisaq 3-mut "Atuarfiit assigiinngitsut akornanni ikinngutigiiinneq pitsaanerusoq pilersissallugu. Atuarfiit assigiinngitsut akornanni ikinngutigiiinneq nukittorsarumallugu ullormi atuarfiit akimorlugit naapeqatigiittoqarsinnaagaluarpoq, oqaloqatigiittoqarluni pinnguaqatigiittoqarlunilu. Tamanna ukiut tamaasa ingerlanneqartarsinaavoq. Ikinngutigiiinnerup ulluanik taaneqarsinnaasoq. "Nunatta siunissaami ataatsimoorupparput".

Meeqqanut Atuarfeqarnermullu Ingerlatsivimmit oqaaseqaatit: Meeqqanut Atuarfeqarnermullu Ingerlatsivimmit suliniut aallartisarneqarsinnaavoq. Kommunimi atuarfiit akornanni ikinngutigiiinneq pitsaanerusoq pillugu suliniuteqartoqarnissaa Ingerlatsivimmit inassuteqaatigineqarpoq. Atuarfiit peqataatinneqassapput:

Qulequtaq nammineq toqqarneqartoq: "Nunaqarfinni illoqarfinnilu eqqaaviit amerlanerit".

Sanarfinermut Avatangiisinullu Ingerlatsivimmit oqaaseqaatit Illoqarfinni nunaqarfinnilu najukkami ataatsimiititaliat iliuuseqarniarlutik pilersaaruteqarput aammalu eqqaavinnik amerlanerusunik pisiniarput.

INUUSUKKOMBEST-imit Kommunalbestyrelsimut inassuteqaatit 23-t aammalu ingerlatsivinnit oqaaseqaatit atuarneqarsinnaapput ilanngussaq 4-mi.

Ingerlatsivimmit aningaasatigut sulisoqarnikkullu naliliinerit

Ingerlatsivimmit suliniutit aningaasatigut sulisoqarnikkullu kinguneqassanngitsut nalilerneqarpoq.



Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Kommunalbestyrelsip Inuusukombestimik pilersitsinissamik aajajangernera

Ilanngussaq

1. INUUSUKOMBEST-ip ukiumoortumik ataatsimiinnissanut qaaqqusissut aamma programmi
2. INUUSUKOMBEST-IP Kommunalbestyrelsimut inassuteqaataa
3. INUUSUKOMBEST-IP pingaarnersiunera
4. Ingerlatsiviit inassuteqaatinut oqaaseqaataat

Inuussutissarsiornermut periusissiaq 2022 – 2026

Kommuneqarfik Sermersuup inuussutissarsiornermut periusissiaa nutaaq

Aalajangiiffigisassaq

SagsID: EMN-2021-15056

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ataatsimiititap Inuussutissarsiornermut periusissiaq 2022-2026 akuersissutigissagaa
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Inuussutissarsiorneq pillugu periusissiaq kommunimi inuussutissarsiornermut siunnersuisoqatigiinnit Nuummi, Paamiuni aamma Tasiilami aallartinneqarpoq.

Marsip qaammataani 2021-imi Sermersuumi Inuussutissarsiornermut immikkoortortap periusissiaq matuma tunngaviusumik suliassartai aallartippai. Ingerlatsinermi najukkani inuussutissarsiutilinnik peqataatitsineq taakkualu piginnittuunermik misigisimanissaat annertuumik ukkatarineqarput, periusissiornermullu ingerlatsinermi pineqartunut tamanut ammasuuneq peqataatitsinerullu aallaavigineqarnissaat anguniakkatut immikkoortutut inissinneqarsimapput. Taamaattumik Sermersuumi Inuussutissarsiornermut immikkoortortaq workshopertitsisarpoq, saqqummiussaqaarluni, paasissutissanik katersilluni, aammalu siunnersuuterpassuit pissarsiarineqartartut misissoqqissaartarlugit. Kommune tamakkerlugu paasissutissanik suliffeqarfinnut pulaarnernik periusissiornermullu tunngasunik woksoppertitsinernik makkununga tunngasunik katersisoqarnikuuvog;

- Inuussutissarsiuteqartut (attaveqaatit ataatsimoorfiusullu)
- Inuussutissarsiornermut Siunnersuisooqatigiit
- Innuttaasut
- Meeqqat inuusuttullu

Workshopit ilaatigut makkunani ingerlanneqarput;

- Nuuk, ulloq 27 aprili 2021
- Paamiut, 17 marsi 2021
- Tunumi/Tasiilaq marsip ulluisa tallimaanni 2021

Inuussutissarsiornermut periusissiaq una tassaavoq Pingaarnertut inuussutissarsiornermut periusissiaq 2016-imeersup atuutilernissaanut atatillugu peqataatitsilluni anguniakkanik sivitsuineruvoq.

Periusissiaq pingaarneq Nuup ukiuni qaangiuttuni tallimani iluanaarutaasumik ineriartorneranut erseqqissumik aqutissiuussivoq aallarnisaallunilu. Inuussutissarsiorneq pillugu periusissiaq una anguniakkanik taakkuninnga sivitsuinerut atuutissaaq taamatullu Kommuneqarfik Sermersuumi inuussutissarsiornerup annertusarneranut najukkanilu namminerni ineriartortinneqarsinnaasunut ukkassinermi tunngaviulluni. Periusissiaq pingaarnermi anguniagaavoq inuussutissarsiutit ineriartortinnissaat namminersortut ingerlatsiviutaat erseqqissarlugit, malillugit aamma

atuutsinneqarnerat pingaartillugit, ukiunut sisamanut inuussutissarsiornermut periusissiaq manna aqqutigalugu.

Taamatut annertuumik anguniagaqarneq aamma takorluukkat aqqutigalugit saqqummersinneqarpoq inuussutissarsiornermut periusissiami ima allassimasoq saqqummiunneqarmat; "Kommuneqarfik Sermersuumi tamarmi piujuartitsisumik ineriartortitsineq".

Takorluugaq Kommuneqarfik Sermersuumi inuussutissarsiornerup piukkunnarnerpaamik ineriartornissaanut nalerassaaq. Kommunip piujuaannartitsinermik sulinera ukiuni tulliuttuni periusissiaq manna aqqutigalugu nanginneqassaaq, siammarneqarluni ineriartortinneqarlunilu.

Taamaalliluni inuussutissarsiornermut periusissiami anguniarneqartut imarivai kommunip piujuaannartitsinermut tunngasunik anguniagaqarneq, kommunimi inuussutissarsiuutinik ineriartortitsinissami takorluukkat, najukkami qaffariaataasinnaasumik periarfissat aammalu Sermersuumi Inuussutissarsiornermut immikkoortortap periusissiamik pioreersumik suliaqarnerani najoqqutassat. Sermersuumi Inuussutissarsiornermut immikkoortortaq sulinermini tamakkiisumik isiginnittaaseqarluni suliniarneq aamma periusissiami iluseq tunngavigalugu sulivoq, tunngaviusumik sukat pingasut aallaavigalugit:

- 1) Inuussutissarsiuutinik sullissineq
- 2) Tunngaviatigut atugassarititaasut
- 3) Najukkami ineriartortitsinissamut periarfissat

Taakkua akuleriillutik Kommuneqarfik Sermersuumi tamarmi piujuartitsilluni ineriartornermik pilersitsisinnaanermut pitsaanerpaamik tunngaviliissapput.

Najukkani ineriartortitsinissamut periarfissat immikkut ukkatarinerini tunngavilersuutigineqarpoq, taakkunani pimoorussamik ineriartornissamut periarfissat annertunerunerat. Sermersuumi Inuussutissarsiornermut immikkoortortaqarfiup nalilerpaa, periarfissat tamakkua iluanni siunnerfeqartumik sulinikkut piujuartitsinikkut ineriartorfissat suliffeqarfinnillu namminersortunik amerlanerusunik pilersitsinissamik anguniakkat piviusunngortinneqarsinnaasut. Matumani nunap iluani isertitaqaataasinnaasut ukkatarineqarput, assersuutigalugu avammut tunisassiarineqarsinnaasut nutaat.

Taamaattumik ineriartornissamut periarfissalinni toqqakkani aningaasat isertinneqarsinnaasut amerlinissaat pingaarnerpaatut isigineqarpoq. Imaannigilaq Sermersuumi Inuussutissarsiornermut immikkoortortaq sammisanik allanik suliaqanngitsoq, kisianni periarfissarissaarnerpaaffimmi siunnerfilimmik suliniarneq aamma nukissanik atorluaajumaneq ingerlanniarneqarput.

Kommunimi tamarmi inuussutissarsiornermut tunngasunik sulinermini, Sermersuumi Inuussutissarsiornermut immikkoortortaqarfiup najukkami inuussutissarsiornermut ineriartortitsiffiusinnaasut suussusersisimavai. Piujuartitsisumik ineriartuutaasussatut periarfissat suliffeqarfiillu namminersortut amerlanerit taamaasillutik piviusunngortinneqarsinnaapput, ineriartorfissatut periarfissat taakkua iluanni siunnerfilimmik sulinikkut.

Nuuk	Tunu
- Takornarialerineq - Imaani inuussutissarsiorneq - Inuussutissat	- Sinerissap qanittuani aalisarneq - Takornarialerineq - Inuussutissat

Paamiut

- Sinerissap qanittuani aalisarneq
- Takornarialerineq
- Suliffissuit

Nunaqarfiit

- Sinerissap qanittuani aalisarneq
- Takornarialerineq

Ilanngussani anguniagassat ataasiakkaat suliniutillu killiffii sukumiisumik nassuiaatigineqarput.

Periusissiap suliarinerata kingornagut taanna Nuummi, Paamiuni Tunumilu Inuussutissarsiornermut Siunnersuisooqatigiinni saqqummiunneqarpoq oqaaseqarfigisassanngorlugu kingusinnerusukkullu akuersissutigisassanngorlugu. Siunnersuisooqatigiinnit siunnersuutit ilanngunneqarput, aammalu ilanngussaq 1-imi 2-mi saqqummiunneqartut tassaapput inaarutaasumik allassimanerat, inuussutissarsiornermut siunnersuisooqatigiinnit tamanit akuersissutigineqareersut.

- Nuummi Inuussutissarsiornermut Siunnersuisooqatigiinnit septembarip ulluisa 29-anni 2021-mi akuersissutigineqarpoq
- Paamiuni Inuussutissarsiornermut Siunnersuisooqatigiinnit septembarip ulluisa 17-ianni 2021-mi akuersissutigineqarpoq
- Tunumi Inuussutissarsiornermut Siunnersuisooqatigiinnit septembarip ulluisa 22-anni 2021-mi akuersissutigineqarpoq

Taamaattumik aamma kommunalbestyrelsip periusissiaq manna atorlugu, kommunimi inuussutissarsiornermut siunnersuisooqatigiit aamma Sermersuumi Inuussutissarsiornermut immikkoortortap akornanni isumaqatigiissut aqqutigalugu, suliaq annertuunik anguniagaqarfiusoq aallartinneqarpoq. Suliaq taanna namminersortut inuussutissarsiutillit amerliartornissaattut naleqqanit erseqqissunit siuarsartinneqassaaq aamma kommunimi periusissiat allat iluaqusiullugit kommunimi innuttaasunut iluaqutaasumik aningaasanik isaatitsinerneqarpoq ineriartornermullu iluaqusiissalluni. Periusissiaq ukiumut sisamanut pilersaarutaavoq aamma piffissamut qinersiviusumut ukiumik ataatsimik kipungasumik ingerlavoq. Taamaattumik qinersereernerit tamaasa kommunalbestyrelse nutaaq Kommuneqarfik Sermersuumi inuussutissarsiornermi politikkikkut sammivissamik aalajangiisassaaq.

Ingerlatsivimmit aningaasatigut sulisoqarnikkullu naliliinerit

Siunnersuummut tunngatillugu aningaasaqarnikkut kinguneqassanngilaq. Aningaasatigut sulisoqarnikkullu kingunerisassai aalajangiunniarlugit suliniutit sukumiisut ataasiakkaarlugit nalilersorneqassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmi Kiffartuussivik oqaaseqaateqanngilaq.

Inatsisitigut tunngavissaq allakkallu tunngaviusumik uppersaataatillit

- Kommuneqarfik Sermersuumi, Kommunalbestyrelsimi 2021-mit – 2025-mut suleqatigiinnissamut isumaqatigiissut Inuit Ataqaatigiit, Demokraatit aamma Naleraq akornanni.

Ilanngussaq

1. Inuussutissarsiornermut periusissiaq 2022–2026

Paamiut kujataani qeqertaasamut umimmannik nuussineq

Aalajangiiffigisassaq

SagsID.: EMN-2021-14950

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- umimmannik nuussisoqarnissaanik kissaateqartoqarnersoq pillugu ataatsimiititaq aalajangissasoq
- 2022-mi Paamiuni misissueqqaarnissamut tusarniaanissamullu Sermersooq Businessip missingersuutaaniit 403.000 koruunit atorneqarnissaat ataatsimiititap akuersissutigissagai
- suliaq aalajangiiffigisassatut Kommunalbestyrelsimut ingerlateqqinneqassasoq.

Suliassamik saqqummiussineq

2017-imi maajip ulluisa 30-anni Henrik Rachlevimit kissaatitut saqqummiunneqarpoq Paamiut kujataanut qeqertaasamut umimmannik nuussisoqassasoq. Siunnersuut 2017-imi juunip ulluisa 13-ianni Kommunalbestyrelsimi oqaluuserineqarpoq siunnersuullu taparserneqassasoq Kommunalbestyrelsimut aalajangiunneqarluni taannalu Aningaasaqarnermut Inuussutissarsiornermullu Ataatsimiititamut ingerlateqqinneqarluni.

Ivittuuniit Paamiunut umimmannik nuussisinnaanermut periarfissaq naammattumik misissorneqarsimanngilaq, aamma piffissap ilaani suliniut unitsinneqarallarsimavoq Corona pissutigalugu pingaarnersiuisariaqarnerit tunngavigalugit.

Kingorna 2021-mi aggustip ulluisa 12-ianni inuussutissarsiornermut siunnersuisooqatigiit ataatsimiinneranni Paamiuni Inuussutissarsiornermut Siunnersuisooqatigiinni ilaasortaasoq siunnersuuteqarpoq umimmannik qeqertaasamut nuussisoqassasoq. Kissaatigisamut tunngavilersuineri pitsaaqutissat arlallit taakkartorneqarput, ass. sumiiffimmi piniarnissamut periarfissaqalernikkut neqissaqarneq amianillu pissarsinissaq ajornannginnerulissaaq taakkulu suliffissanik pilersitsiviussallutik. Misissueqqaarnerit naammassineranni umimmaat nuunneqarnissaannut periarfissat sukumiinerusumik paasisaqarfigineqarsinnaapput.

Suliniutip aallartisaqqinneqarnissaa taamaammat eqqarsaatigineqarpoq.

Misissueqqaarnerit

Umimmannik nuussineq sioqqullugu uumasut ukioq kaajallallugu naammattumik ajornanngitsumillu pisinnaasaminnik nerisaqarnissaat sukumiisumik misissorneqaaqqaassapput.

Taamaattumik naapertuutissaaq ukiuunerani qeqertaasamik misissuineri ingerlatsisoqarpat, aputeqassuseq aamma naasunik pissarsisinnaaneq qulakkeerniarlugit. Naapertuutissaaq tamanna februaarimi ingerlanneqarpat piffissami tassani aputeqarnerpaajusarmat.

Taakkua sanatigut naasoqassutsimik misissuineri suliaqartoqassaaq. Misissuineq taanna juulip qeqqani/naanerani ingerlanneqarsinnaalluarpoq.

Pissutsinit takusanit inerniliussat umimmannik nuussisinnaanermut tunngavissaqarneranut sunniuteqarput.

Umimmaat Ivittuuniittut uumasogatigiinnit Kangerlussuaq/Sisimiuneersuupput (uumasogatigiit KS). KS-imi umimmaqassuseq eqqarsaatigalugu piaqqisarneq annertunngilaq. Kommunimit kissaatigineqarpat umimmannik Paamiut eqqaanut nuussisoqassasoq taava Pinngortitaleriffimmit innersuussutigineqarpoq angutivissat Ittoqqortoormiit eqqaannit katersorneqarnissaat.

Ingerlatsivimmit aningaasatigut sulisoqarnikkullu naliliinerit

Suliniut qanoq aningaasartuuteqartigissanersoq Sermersooq Business missiliuvoq. 2022-mut aningaasartuutit Sermersooq Businessip missingersuutaannit matussuserneqassapput 2023-miillu kingorna akuersissutigisassamik qinnuteqartoqarumaarluni. Maluginiagassaavoq missiliut ataani takuneqarsinnaasoq qularnartoqartitermat.

2021

Suliaqartoqanngilaq

2022

Ukiuunerani pissutsinik misissuineq	68.000 kr.
Naasoqassutsimik misissuineq	285.000 kr.
Paamiuni tusarniaaneq	50.000 kr.

Katillugit 403.000 kr.

2023

Jameson Landimit Ivittuunut nuussineq	512.000 kr.
Ivittuunit Innaarsunnut nussineq	445.000 kr.
Piniarnermut nakkutilliineq (ukiup ½)	220.000 kr.

Katillugit 1.177.000 kr.

Aallartinnermi katillugit 1.580.000 Kr.

Suliniuteqarnermi ukiut arfineq-marlunni (2024 – 2030) nunami nakkutilliisoqarnissaa pisariaqartoq nalilerneqarpoq kingornalu umimmaqassutsikkut ima amerlatigilersimassallutik allaat piniagaalersinnaallutik:

Nunami nakkutilliisoq, ukiumut	<u>420.000 kr.</u>
--------------------------------	---------------------------

Suliniummuk katillugit	<u>4.520.000 kr.</u>
-------------------------------	-----------------------------

Suliffeqarfimmut Kiffartuussivimmit aningaasatigut naliliineq

Suliffeqarfimmi Kiffartuussivik oqaaseqaateqanngilaq.

Inatsisitigut tunngavissaq allakkallu tunngaviusumik uppersaataitallit

- Pinngortitamik illersuineq pillugu Inatsisartut inatsisaat nr. 29, 18. december 2003-meersoq.
- Piniarneq aallaaniarnerlu pillugit Inatsisartut inatsisaat nr. 12, 29. oktober 1999-meersoq.



- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Ilanngussaq
Soqanngilaq.

Nanu Travel 2022-mi kiffartuussinissamik isumaqatigiissuteqarfigineqarnera

Aalajangiiffigisassaq

SagsID: EMN-2021-15669

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommuneqarfik Sermersuup aamma Nanu Travel ApS-ip kiffartuussinissamik isumaqatigiissutaat 2022, kiffartuussinermut 300.000 koruuninik aningaasartalik akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermut siuarsaataasunik sulianik ingerlatsinissaanut. Nanu Travel takornariatitsinermik suliffeqarfiuvoq namminersortoq, Islandimeersumit Nonni Travel-imit pilersinneqarsimasoq.

2021-mut suliat kiisalu ukiumut tulluuttumut kiffartuussinissamik isumaqatigiissut pillugit 28. oktobari 2021-mi Sermersooq Business oqarasuaatikkut ataatsimiippoq. Ataatsimiinneq tunngavigalugu Sermersooq Business 2022-mi kiffartuussinissamut isumaqatigiissummut siunnersuusiopq.

Nanu Travel ApS-ip kiffartuussinissamik isumaqatigiissummik naammassinninnissaa qulakkeerniarlugu kiffartuussinissamik isumaqatigiissut ersarissumik periuseqarnissamik imaqarpoq. Nanu Travel ApS Sermersooq Businessimut sulianut nassuiaatitalimmik nalunaarusiortussaataavoq. Nanu Travel ApS sulianik kiffartuussinissamik isumaqatigiissutaasimasunik ingerlatsinngikkaangat kiffartuussinissamut aningaasaliissutit ilanngarneqartassapput, taamaalilluni aaqqissuussat 2022-p naannginnerani naammassineqarpata naammassineqarsimappataluunniit aatsaat akiliineq pisinnaassaaq.

2022-mut kiffartuussinissamik isumaqatigiissummi Nanu Travel ApS pisussaaffilerneqarpoq, Ittoqqortoormiini eqqaanilu takornariaqarnermik siursaanissamut iluaqutaasussanngorlugu uku suliarissallugit:

- Ittoqqortoormiini takornarianut paasissutissiivittut atuuttussamut
- Ittoqqortoormiit kiisalu Nuna Eqqissisimatitaaq pillugu nunarsuarmut tamaneersunik mailikkut akissuteqartarneq.
- Takornariat uteqqikkusuttut takornariassamaartullu akornanni attaveqatigiinneq.
- Angalanissanut, ukiumi (qimusserneq, qamuterallannik angallanneq), aasami (umiatsiamik angalaarnernut, qajartornernut, pisuttuarnernut) piareersaanerit
- Illunik B-186-imik aamma B-195-mik aserfallatsaaliinerit.

2022-mut kiffartuussinissamut isumaqatigiissummut siunnersuut suliamut ilanngunneqarpoq.

Nanu Travelip suliaasa killiffiat

Covid-19 pissutigalugu umiarsuarmik takornariaqarneq tamarmi taamaatiinnarnikuuvoq, taamaamat 2020-mi takornariatitsineq periarfissaasimanngilaq.

2021-p ilarujussuaq 2020-mi covid-19-imit sunnertisimavoq, illoqarfillu oqartussaasut angallannerat eqqaassanngikkaanni avataaniit tikittunut arlaleriarluni matoqqasarpoq.

Illoqarfiup ammaqinnerata kingorna tikerartoqarpoq, ilaatigut takornariat aamma tikerarlutik, taamaattoq covid-19 sioqqullugu tikittartut amerlatiginngitsut. 2022-mut tunngatillugu neriulluatoqarpoq. Umiarsuarmik takornariatitsinissat pingasut nalunaarutigereerput, aamma Nanu Travel januaarimut, marsimut apriliimullu takornarianut tunngatillugu inniminneereerpoq, taavalu 2022-mi takornarialerinissamut tunngatillugu ullut tamangajaasa saaffiginntoqarlunilu apeqquteqaateqartoqarpoq.

Ingerlatsivimmit Nanu Travel ApS-imik kiffartuussinissamut isumaqatigiissut siunissami Ittoqqortoormiini, najukkami innuttaasunut inuussutissarsiornermullu iluaqtaasumik, takornariatitsinermut aaqqissuussat amerlissasut nalilernerqarpoq. Nanu Travel ApS-imit nalunaarusiat Sermersooq Businessimut nassiunneqartalerisigut suliat uuttoqarsinnaanerit takuneqarsinnaanerallu pitsaanerulissasoq nalilernerqarpoq. Aammattaaq kiffartuussinissamik isumaqatigiissut suleqatigiinnissamik isumaqatigiissummi qitiutinneqartunut naapertuuttusoq nalilernerqarpoq, uani kommune tamakkerlugu takornariaqarnikkut inuussutissarsiornerup siuarsarneqarnissaanik peqataasariaqarneq eqqarsaatigalugu.

Akuersissutigineqariarpat Nanu Travel kiffartuussinissamik isumaqatigiissut naapertorlugu kiffartuussinissamut aningaasaliissutinik 2022-mi kittaartumik akilernerqartassaaq, Nanu Travelilu suliat pillugit kvartalikkutaartumik nalunaarusiortassalluni.

Aningaasaqarnermut Inuussutissarsiornermullu Ataatsimiititamit Nanu Travel ApS-imut kiffartuussinissamut isumaqatigiissut 2022-moortoq akuerineqarpat, Nanu Travel ApS-ip aaqqissuussai ataavartumik kvartalikkutaartumik nalunaarusiatigut Ataatsimiititaq ilisimatinneqartassaaq.

Ingerlatsivimmit aningaasatigut sulisoqarnikkullu naliliinerit

300.000,00 koruuninik aningaasaliissuteqarnissap aalajangiusimaannarnissaa innersuussutigineqarpoq.

Kiffartuussinissamut aningaasaliissutit 300.000-inik annertussuseqartut Kommuneqarfik Sermersuup 2022-mut missingersuutaanut ilaapput.

Suliffeqarfimmut Kiffartuussivimmit aningaasatigut naliliineq

Suliffeqarfimmi Kiffartuussivik oqaaseqaateqanngilaq.

Inatsisitigut tunngavissaq allakkallu tunngaviusumik uppersaatitallit

- Kommunit inuussutissarsiuutini il.il. aningaasaliinermikkut inuussutissarsiuutiniq ineriartortitseqataanissaminut periarfissaat pillugit Inatsisartut inatsisissaat nr. 23, 18. december 2003-meersoq
- Kommunit aqunneqarnerat pillugu Inatsisartut inatsisissaat nr. 22, 18. november 2010-meersoq

Ilanngussaq

1. Nanu Travel ApS-ip aamma Kommuneqarfik Sermersuup akornanni 2022-mut kiffartuussinissamik isumaqatigiissutissaattut siunnersuut.

2. Ilanngussaq 2: Nanu Travel ApS-ip aamma Kommuneqarfik Sermersuup akornanni 2022-mut kiffartuussinissamik isumaqatigiissummut ilanngussaq.



Missingersuutiniq malitseqartitsineq ulloq 30/9 2021

Pingajussaanik ilassutitut aningaasaliissuteqarneq (TB3)

Aalajangiiffigisassaq

SagsID.: EMN-2021-15846

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Meeqqanut Atuarfeqarnermullu Ingerlatsivik, pisortaq Lone N. Møller / LNM

Meeqqanut Ilaqutariinnullu Ingerlatsivik, pisortaq Martha Abelsen / MRBL

Suliffeqarnermut Isumaginninnermullu Ingerlatsivik, pisortaq Ejnar Grønvold / EJGR

Sanarfinermut Avatangiisinullu Ingerlatsivik, pisortaq Hans Ulrik Skifte / HUS

Inassuteqaat

Pisortaqatigiit Aningaasaqarnermut Inuussutissarsiornermullu Ataatsimiititamut inassuteqaatigaat:

- Ilassutitut aningaasaliissutit 28 mio. koruunit, ingerlatsinermi atuinerusimanermut tunngassuteqartut, akuersissutigineqassasut aamma sanarfinermi atuinerusimanermut tunngassuteqartut 11 mio. koruunit akuersissutigineqassasut (katillugit 39 mio. koruunit kommunip karsianit aningaasaliissutigineqassapput)
- Suliaq inaarutaasumik akuerisassanngorlugu Kommunalbestyrelsimut ingerlateqqinneqassasoq
- Kommunalbestyrelsimut Aningaasaqarnermut Inuussutissarsiornermullu Ataatsimiititaq sisamassaanik ilassutitut aningaasaliissutiniq nuussinernillu inaarutaasumik akuersissuteqarnissamut piginnaatinneqassasoq

Suliassamik saqqummiussineq

Ulloq 30/9 2021 naatsorsuutit misissornerinut atatillugu Kommuneqarfik Sermersuumi Ingerlatsivinnit suliassaqaarfiit assigiinngitsut nalilersorneqarput, ilaatigut nammineq killiliussat iluanni aaqqiissutissanik pisariaqartitsisoqarnera paasiniaarlugu aammali aningaasaliissuteqaaqqinnissamut pisariaqartitsisoqarnersoq nalilerniarlugu.

Tulliuttumit ingerlatsinermi aamma sanaartornermi atuineruallaarnerit aamma atuinikiffiusut naliliiffigineqarnerisa agguataarnerat takuneqarsinnaapput.

Ingerlatsivik	Missingersuutaqqaartut 2021	2021-mut missingersuutit iluarsisat	Ilassutitut aningaasaliissutit	Nuussinert	TB3 kingorna missingersuutit nutaat
Qinikkanut Allatseqarfik	19.257.012	19.724.839	0		19.724.839
Suliffeqarfimmut Kiffartuussivik	-1.782.303.829	-1.820.110.689	1.000.000	+/-620.000	-1.819.110.689
Suliffeqarnermut Isumaginninnermullu	483.222.110	485.902.110	17.300.000	+/-14.000.000	503.202.110
Meeqqanut Ilaqutariinnullu	355.919.356	365.222.756	3.600.000		368.822.756
Meeqqanut Atuarfeqarnermullu	459.441.440	464.303.440	456.822		464.760.262
Sanarfinermut Avatangiisinullu	91.959.788	101.865.647	5.700.000		107.565.647
Ingerlatsineq tamaat katillugit	-372.504.123	-383.091.897	28.056.822	+/-14.620.000	-355.035.075
Sanaartorneq tamaat katillugit	312.150.000	311.665.064	11.000.000	0	322.665.064



Koruunit ilivitsunngorlugit katinnerat.	-60.354.123	-71.426.833	39.056.822	0	-32.370.011
---	-------------	-------------	------------	---	-------------

Ingerlatsivinnit kissaatigineqarpoq ingerlatsinermut atugassat 28 mio. koruuninik amerlineqarnissaat aamma sanaartornermut missingersuutit 11 mio. koruuninik amerlineqarnissaat kiisalu 14,6 koruuninik missingersuutiniittunik nuussinissaq. Ingerlatsiviit ilassutitut aningaasaliissutissatut aamma nuussinissatut kissaataat akuersissutigineqarpata Kommuneqarfik Sermersuumi 2021-mut sinneqartoorutissatut naatsorsuutigisaasutut 71,4 mio. koruuniniit sinneqartoorutit 32,4 mio. koruuninut ikililerlugit aaqinneqassapput. Quppernerti tulluittut ilassutitut aningaasaliissutit aamma nuussinerit ingerlatsivinnit kissaatigineqartut itisilerlugit allaaserineqarput.

Qinikkanut Allatseqarfik

Qinikkanut Allatseqarfik TB3-mi ilassutitut aningaasaliissuteqartoqarnissaanik nuussisoqarnissaanillu qinnuteqaateqanngilaq.

Tabelimi matuma kingulliiniittumi Qinikkanut Allatseqarfimmut missingersuutaaqqaartut aamma missingersuutit iluarsisat siunertanut qaffasissuseq 3-mi agguataarneqarnerat takuneqarsinnaapput.

Siunertaq - Qaffasissuseq 3	Missingersuutaaqqaartut 2021	2021-mut missingersuutit iluarsisat	Ilassutitut aningaasaliissutit	Nuussinerit	TB3 kingorna missingersuutit nutaat
020102 - Kommunalbestyrelse	14.290.016	14.290.016			14.290.016
020103 - Nunaqarfimmi Aqutsisut	2.109.996	2.109.996			2.109.996
020202 - Kommunimut qinersineq	400.000	400.000			400.000
020401 - Nunaqarfinnut aningaasaliissutit	2.457.000	2.924.827			2.924.827
Kr.-it ilivitsunngorlugit - katinnerat.	19.257.012	19.724.839	0	0	19.724.839



Suliffeqarfimmut Kiffartuussivik

Suliffeqarfimmut Kiffartuussivik 1 mio. koruuninik ilassutitut aningaasaliissutinik kiisalu 620 t. koruuninik nuussinissamut qinnuteqarpoq. Ataani tabelimi takuneqarsinnaapput, missingersuutaaqqaartut, TB2-p kingorna missingersuutitigut iluarsiiissutit, ilassutitut aningaasaliissutissat kissaatigineqartut kiisalu missingersuutit siunertat qaffasissusiannut 3-mi agguataarnerannut takussutissat, tassa TB3-mi allannguutissatut kissaatigineqartut akuersissutigineqassagaluarpata.

Siunertaq - Qaffasissuseq 3	Missingersuutaaqqaartut 2021	2021-mut missingersuutit iluarsisat	Ilassutitut aningaasaliissutit	Nuussinerit	TB3 kingorna missingersuutit nutaat
010101 - Akileraarutit akitsuutillu	-1.497.534.819	-1.565.534.819			-1.565.534.819
010202 - Kommuninut tapiissutit	-525.000.000	-511.052.000			-511.052.000
040103 - Aatsitassat	99.996	99.996			99.996
040104 - Takomarialerineq	3.699.996	3.699.996			3.699.996
040107 - Suliagarfiit allat	13.915.392	13.115.388		-300.000	12.815.388
050401 - Innuttaasunik Sullissivik	11.328.792	11.328.792			11.328.792
050501 - Suliffissaqartitsiniutit	1.745.988	1.745.988			1.745.988
060102 - Peqqissuseq pinaveersaartitsinerlu	3.394.108	0			0
070103 - Sanaartorfissagissaaneq	-6.999.996	-7.904.856			-7.904.856
080101 - Sunngiffimmi atuartitsineq	5.187.256	2.120.256		300.000	2.420.256
080102 - Timersorneq	19.495.300	27.520.300		20.000	27.540.300
080103 - Sunngiffimmi sammisat allat	5.053.248	8.724.356	1.000.000	-320.000	9.404.356
080203 - Katersugaasiveqarneq	2.681.004	2.681.004		300.000	2.981.004
080204 - Kulturikkut suliniutit allat	13.440.390	13.955.390			13.955.390
100106 - Ataatsimoortumik angallannermut pilarsaarut	0	2.467.000			2.467.000
160101 - Allatseqarfik	62.116.768	62.916.772			62.916.772
160102 - Aningaasaqarneq	20.671.200	20.671.200			20.671.200
160103 - HR	28.175.588	28.975.588			28.975.588
160104 - Qarasaasiaqarnermik ingerlatsineq	52.213.812	62.813.812			62.813.812
160105 - Illut/illuutininik ingerlatsineq	8.225.352	8.225.352			8.225.352
160107 - Ilaasortaanermut akiliutit tapiissutillu	3.226.796	759.796			759.796
170101 - Sanaartugassanut aningaasaliissuteqarnerit	-19.440.000	-19.440.000			-19.440.000
170201 - Nalikilliliinerit	12.000.000	12.000.000			12.000.000
Kr.-it ilivitsunngorlugit - katinnerat.	-1.782.303.829	-1.820.110.689	1.000.000	0	-1.819.110.689



TB3-mut ilassutitut aningaasaliissutissatut qinnuteqarneq

Siunertaq 08.02.04 – *Kulturikkut suliniutit allat* – Aningaasaateqarfik Sermerup aningaasaataanik utertitsineq

1.000.000 kr.-t qinnutigineqarput.

Illassutitut aningaasaliissutissat sooq qinnutigineqarpat?

Aningaasaateqarfik Sermeq pillugu kukkunersiuisoqarnerani paasinarsimmat kommunimut maluginiaqquneqarsimavoq, 2018-imi aamma 2019-imi Aningaasaateqarfik Sermerup tunngaviusumik aningaasaataanik kukkusumik akiliinerit arlallit pisimasut. Aningaasaateqarfik Sermerup aningaasat atugassai kommunip aquppai, taamaalillunilu Aningaasaateqarfik Sermerup kulturikkut siuarsaanermi sulianut aningaasaliinissaanut akisussaasuulluni. Kommunimiit kukkusoqarneratigut kommunip siunertamut nammineq kontuni Aningaasaateqarfik Sermeq atornagu Aningaasaateqarfik Sermerup kontuaniit (tunngaviusumik aningaasaataanik) akiliisoortarsimavoq.

Kukkunersiuisartut kommunimut Aningaasaateqarfik Sermermi siulersuisunut maluginiaqqusimavaat, kukkusoqartarsimasoq, tamatumalu kingunerisaanik kommunimit tamanna aaqinneqarpoq.

Taamaattorli kommune Aningaasaateqarfik Sermermut 1 mio.kr.-nik akiligassaqqarpoq, akilerneqartussaappullu Aningaasaateqarfik Sermerup tunngaviusumik aningaasaqarnera aaqinneqarniassammat. Tamanna pillugu 1 mio. kr.-t qinnutigineqarput.

TB3-mut nuussinissamut qinnuteqaat

Siunertamit uannga 04.01.07 - *Suliaqarfiit allat uunga Siunertaq 08.02.03 - Katersugaasiveqarneq*
300.000 kr.-nik nuussinissaq qinnuteqaatigineqarpoq.

Missingersuutitigut nuussinissamik kissaateqarnermi suna patsisaava?

Ingerlatsiviup kissaatigaa, Sermersooq Businessimiit siunertamit suliaqarfiit allat 300.000 kr.-nik uunga nuussisoqassasoq Paamiuni Katersugaasivik siunertamut katersugaasiveqarneq.

Aningaasat Paamiuni Katersugaasivimmut nuunneqassapput. Suliamik naammassinnittoqarneratigut Paamiuni Katersugaasiviup aningaasaqarneranut iluaqusiissaaq, taamaalillunilu Paamiuni Katersugaasivimmi sulisoq ataaseq Paamiuni Sermersooq Businessimi aamma suleqataasinnaalissaaq, tassuunalu Paamiuni kommunimi inuussutissarsiornikkut ineriartortitsinissamut iluaqutaassalluni. Tassunga peqatigitillugu Paamiuni kulturilerisut inuussutissarsiortullu akornanni suleqatigiinnerulernissaq aqqutissiuunniarneqarpoq. Kulturilerisut Paamiuni takornariaqarnikkut siuarsaanermi iluaqutaalluarsinnaapput, taamaattumik Sermersooq Business tamatumunnga atugassanik 2021-mi aningaasanik nuussiumavoq.

Uannga 08.01.03 - Sunngiffimmi sammisassaqaartitsiniutit allat, uunga Siunertaq 08.01.01 - Sunngiffimmi atuartitsineq

300.000 kr.-nik nuussinissaq qinnuteqaatigineqarpoq.

Missingersuutitigut nuussinissamik kissaateqarnermi suna patsisaava?

Uannga 08.01.03. Sunngiffimmi sammisassaqaartitsiniutit allat, uunga Siunertaq 08.01.03 Sunngiffimmi atuartitsineq nuussinissamik qinnutigineqartut 300 t. koruuninik annertussuseqarput. Paamiuni meeqqanik inuusuttunillu sunngiffimmi atuartitsisarneq ukiup ingerlanerani annertuseriarfiuvoq. Tamanna pillugu Peqqinneq, Susassaqaartitsineq Kulturimullu immikkoortortap kissaatigaa, Paamiuni sunngiffimmi atuartitsinnermut soqutiginninnerup annertuseriarfiusup naammassineqarnissaanut aningaasanik qaffaasoqartariaqartoq. Peqatigitillugu ilmmikkoortortap



nalilerpaa, kommunip katersortarfiutaasa ukioq manna atorneqarnerat missingersuutaasimasuniit annikinnerussasoq, taamaattumillu tassannga nuussineq pisinnaasoq.

Siunertamit uannga 08.01.03 Sunngiffimmi sammisassaqartitsiuniutit allat siunertamut uunga 08.01.02 Timersorneq

20.000 kr.-nik nuussinissaq qinnuteqaatigineqarpoq.

Missingersuutitigut nuussinissamik kissaateqarnermi suna patsisaava?

Paamiut Timersortarfianni nutaamik pitsaanerusumillu aqutsilertoqarneratigut timersortarfimmi pitsaasumik ineriartortitsinermik kinguneqarpoq. Paamiuni timersortarfimmi ukiup ingerlanerani arlalissuutigut pitsanngorsaaneermik suliaqartoqarpoq. Sulisut nammineerlutik ilaatigut iikkamik innartorfissaliornikuupput, pisariaqavissortunik iluarsartuussinernik suliaqarnikuupput aamma silami timersorfissanik arsaattarfimmillu aserfallatsaaliuineramik suliaqarnikuullutik.

Timersortarfimmi pitsanngorsaalluni suliaqarnerit arlalissuit kingunerisaannik missingersuutaasuniit atuinerusoqarneranik kinguneqarpoq. Aningaasartuutit matussuserniarlugit 20 t.kr.-nik nuussisoqarnissaanik qinnuteqartoqarpoq.



Suliffeqarnermut Isumaginninnermullu Ingerlatsivik

Suliffeqarnermut Isumaginninnermullu Ingerlatsivik ilassutitut aningaasaliissutit katillugit 17,3 mio.kr.-nik nuussisoqarnissaanik qinnuteqarpoq. Ataani tabelimi takuneqarsinnaapput, missingersuutaqqaartut, TB2-p kingorna missingersuutit iluarsisutit, ilassutitut aningaasaliissutissat kissaatigineqartut kiisalu missingersuutit siunertat qaffasissusiannut 3-mi agguataarnerannut takussutissat, tassa TB3-mi allannguutissatut kissaatigineqartut akuersissutigineqassagaluarpata.

Siunertaq - Qaffasissuseq 3	Missingersuutaqqaartut 2021	2021-mut missingersuutit iluarsisat	Ilassutitut aningaasaliissutit	Nuussinerit	TB3 kingorna missingersuutit nutaat
030701 - Ilinniagaqarnersiutit	0	0			-
030801 - Ilinniarnermi ineqarnermut periarfissat	370.500	370.500			370.500
050103 - Inersimasut immikkut pisariaqartitsisut	10.182.676	11.382.676			11.382.676
050104 - Inersimasut innarluutillit	162.749.142	162.749.142			162.749.142
050105 - Atornerluisunik katsorsaaneq	999.996	999.996	- 700.000		299.996
050106 - Angerlarsimaffimmi ikiorteqarneq	16.260.960	16.260.960			16.260.960
050107 - Iluaqusersuutit sungiusarneqarnerlu	2.491.932	2.491.932			2.491.932
050201 - Pisortanit ikiorsiissutit	94.354.828	94.354.828	15.000.000	13.000.000	122.354.828
050301 - Utoqqaat	112.760.960	112.760.960	5.000.000	1.000.000	118.760.960
050501 - Suliffissaqartitsiniutit	12.843.144	12.843.144			12.843.144
050502 – Majoriaq	14.640.660	16.120.660			16.120.660
050601 - Isumaginninnermut tunngasuni Oqartussaaffeqarfinni suli	40.208.412	40.208.412		- 14.000.000	26.208.412
160101 - Allatseqarfik	15.358.900	15.358.900	- 2.000.000		13.358.900
Kr.-it ilivitsunngorlugit - katinnerat.	483.222.110	485.902.110	17.300.000	0	503.202.110

TB3-mut ilassutitut aningaasaliissutissatut qinnuteqarneq

Siunertaq 05.01.04 – Inersimasut innarluutillit – innuttaasut Danmarkimi inissinneqarsimasut

0 kr.-it qinnutigineqarput.

Ilassutitut aningaasaliissutissat sooq qinnutigineqarpat?

2021-mi innuttaasunik innarluutilinnik inissiisarnert pillugit atuinerunissaq naatsorsuutigineqarpoq. Ukiormanna 78 mio.koruunit atorineqareerput, naatsorsuutigineqarporlu 25 mio. ukiormanna akiliisoqaqqissasoq.

Taassuma saniatigut akiliisussaataaneq pillugu sulianik qulaajarneqanngitsunik ataasiakkaanik peqarpoq Namminersorlutik Oqartussanullu ukioq siusinnerusoq pillugu annertuumik



akiitsoqartoqarluni. Akiitsut taakkua ilai ukiormanna akilerneqareerput, ilaalu sulii qulaajaavigineqarnatik. Suliat qulaajarneqanngitsut/suliarineqanngitsut sinneri 15 mio. koruunit miss. aningaasartaqartut naatsorsuutigineqarpoq.

Ataatsimut isigalugu missingersuutit 8-23 mio. koruunit akornanni sipporneqarsinnaaneratt naatsorsuutigineqarpoq, apeqqutaalluni qanoq suliat qulaajarneqanngitsut amerlatiginersut, aammalu qanoq annertutigisumik Namminersorlutik Oqartussanut akiitsoqartoqarnersoq ukiormanna qulaajarneqarsinnaasunik.

Peqatigitillugu naatsorsuutigineqarpoq kommunip nammineq suliniutaani atuinikinnerusoqangaatsiassasoq (pingaartumik najugaqatigiiffinni) 8 mio. koruunit miss.

Atuinikinnerunermut pissutaavoq najugaqatigiiffinnut sulisussanik pissarsiniarneq ajornakusoormat, taamaattumik piffissap ilaani sulisut amigartarsimallutik. Taamaattumik ingerlatsivimmit immikkut aningaasaliissut atorsinnaasimanngilaat 2021-mi missingersuusiornermut atatillugu suliaasaqarfimmut tunniunneqartoq.

Ingerlatsivimmit atuinikinneruneq kommunip suliniutaanut inissiinermi atuinerunerup matussuserneqarnissaanut atorunneqarpoq. Siunertat pineqarput taamaattumik nuussineq politikikkut akuerineqartussaap pineqanngilaq. Kisianni aningaasat annertuut pineqarmata TB3-mut atatillugu ilisimatitsinermi saqqummiunneqaannassaaq.

Peqatigitillugu ilisimatitsissutigineqarpoq 15 mio. koruunit missaanik akiitsoqartoqartoq, taakkunannga 13 mio. koruunit Isumaginninnermi Aqutsisoqarfimmut ukiuni siuliini akiitsut pineqarlutik. Suli ilisimaneqanngilaq 2021-mi qulaajarneqassanersut taamaalillutik 2021-mi atuineq tamakkerlugu qanoq akiitsut sunniuteqassanersut ilisimaneqarani.

Siunertaq 05.01.05 – Atornerluisunik katsorsaaneq – Atuinikinneruneq

Kr.-nit 700.000 qinnutigineqarput.

Illassutitut aningaasaliissutissat sooq qinnutigineqarpat?

2021-mi Suliffeqarnermut Isumaginninnermullu Ingerlatsiviup ataani Atornerluisunik katsorsaaneq atuinikinnerusoqarsimavoq. Atornerluisunik katsorsaaneq Allorfimmi ingerlanneqartarpoq, kommunip suleqataanissamut isumaqatigiissuteqarfiginikuusaa. Kommune tassuuna pisussaavoq atornerluisunik katsorsaaneqarnermut atatillugu aningaasartuutit ilai isumagissallugit.

Atuinikinnermut pissutaavoq piffissami sivilaartumi angalanissat katsorsartinnissallu pilersarusiukkat iluatsinniarnissaannut unammillernartoqarsimammat corona pissutigalugu killilersuinerit ingerlaannarnerat pissutigalugu. Taassuma saniatigut ingerlatsivik naliliivoq missingersuutit annertuallaartut.

Siunertaq 05.02.01 – Pisortanit ikiorsiissutit – Missingersuutini kukkunernik aaqqiineq

15.000.000 kr.-t qinnutigineqarput.

Illassutitut aningaasaliissutissat sooq qinnutigineqarpat?

Pisortanit ikiorsiissutit 2020-mi missingersuutini 24 mio.kr.-nik ikilileriffigineqarput Taamatut ikililerineq 2021-mut missingersuutitigut ingerlatiinnarneqarsimavoq.

Pisortanit ikiorsiissutinut tunngasut misissuutaarneqarnerani aaqqissuunneqarnerinilu Suliffeqarnermut Isumaginninnermullu Ingerlatsivimmit nalilernerqarpoq, missingersuutit ikililernerqarnerat annertuallaartoq. Suliffeqarnermut Isumaginninnermullu Ingerlatsivimmi ilaatigut nalaanneqarpoq, ineqarnermut tapiissutinik, erninermusianik aamma pisortanit ikiorsiissutinik tunniussisarnerit annertusiartortut, ilaatigullu taakkuninnga utertitsinissamut missingersuusiatt qaffasinaarneqarsimallutik, taamaalilluni utertitsinermi isertitat pingaartumik ineqarnermut tapiissutinut erninermusianullu tunngasut naatsorsuutigineqartutut annertutigisussaanatik.



Inatsisitigut pisussaaffiliisumik innuttaasunik kiffartuussinissaq pineqarmat ingerlatsivimmit akilernerqarlunilu ikiorsiissutiniq tunniussisoqarpoq. Tamanna pillugu ingerlatsiviup naatsorsuutigaa, siunertami pisortanit ikiorsiissutini 2021-mi 15 mio.kr.-nik atuinerusoqassasoq. Atuinerusimaneq matussuserniarlugu katillugit 15 mio.kr.-nik ilassutitut aningaasaliissuteqartoqarnissaa qinnutigineqarpoq. Taakkunannga 10 mio.kr.-t ineqarnermut qularnaveeqqutitut tunngasunut atorneqassapput, 3 mio.kr.-llu erninermusianut aamma 2 mio.kr.-t pisortanit ikiorsiissutitut atorneqassallutik.

Siunertaq 05.03.01 – *Utoqqaat* – utoqqaat angerlarsimaffiini atuisoqarnerunissaq naatsorsuutigineqarpoq

2.000.000 kr.-t qinnutigineqarput.

Illassutitut aningaasaliissutissat sooq qinnutigineqarpat?

Suliffeqarnermut Isumaginninnermullu Ingerlatsivimmi utoqqaat illuinut tunngasuni 2021-mi atuinerusoqarnissaa naatsorsuutigineqarpoq. Utoqqarnik sullissiveqarfimmi pisariillisaanissamik pilersaaruteqarnermut 2021-mi missingersuutini 6 mio.kr.-t missaannik annertussuseqarput. Utoqqarnik sullissiveqarfimmi ilaatigut suliffeqarfiup siunnersortaasup A2-p siunnersuuteqarnera tunngavigalugu pisariillisaanermik suliaqartoqalerpoq, siunnersortaasoq taanna 2020/21-mi suliaasaqarfirmik misissueqqissaarpoq, suliniutillu arlallit aallartillualereerutorput. Utoqqarnik sullissiveqarfiup 2021-mi sipaarutissat ajoraluartumik tamakkersinnaasimanngilai, tassani suliniutinik atulersitsiniarnerup ilmagisamik sivisunerunera pissutaalluni. Utoqqarnik sullissiveqarfimmi pisariillisaaneq 2022-mi sulissutigineqarqissaq. Taakkunani pisariillisaanermi sulii naammassineqarsinnaasimanngitsut matussutissamik 2 mio.kr.-t qinnutigineqarput.

Siunertaq 05.03.01 – *Utoqqaat* – Atuineruneq peqqissaavimmi paaqqutarineqartariaqarnermut tunngasooq

3.000.000 kr.-t qinnutigineqarput.

Illassutitut aningaasaliissutissat sooq qinnutigineqarpat?

Innuttaasut utoqqaat peqqissaavimmi paaqqutarineqartariaqartunut tunngasut 2021-mi atuiffiunerunissaat naatsorsuutigineqarpoq. kommunimi innuttaasut 2019-2020-mi peqqissaavimmi peqqissarneqarnerup naammassereernerata kingorna paaqqutarineqarsimasunut Suliffeqarnermut Isumaginninnermullu Ingerlatsivik 2021-p ingerlanerani akiligassanik tigusaqarlunilu akiliivoq. Taakku katillugit 2,9 mio. kr.-t miss. annertussuseqarput, taamaalluni "peqqissaavimmi paaqqutarineqartariaqartut" pillugit maannakkut missingersuutaasunik sippuinnermik kinguneqartitsipput. 2021-mi katillugit 5 mio.kr.-t miss. atorneqarput, taakkunannga 2 mio.kr.-t miss. peqqissaavimmi paaqqutarineqartariaqartunut akiliutinut atorneqarlutik, taakkulu missingersuutitut 1,9 mio.kr.-nik annertussuseqartunut naapertuutikannerput. 2021-ili qammataasa sinnerini akiligassanik sulii takkuttoqarsinnaavoq. Qanorlu annertutigissanersut maannakkut oqaatigineqarsinnaanngilaq. Peqqissaavimmi paaqqutarineqartariaqarneq pitsaaliorniarlugu sivikinnerutinniarluguluunniit ingerlatsivimmi nalinginnaasumik sulissutigineqartarpoq. Taamaattumik katillugit 3 mio. kr.-t illassutitut aningaasaliissutigineqassasut qinnutigineqarpoq.

Siunertaq 16.01.01 – *Allatseqarfik* – Atuinikinneruneq

-2.000.000 kr.-t qinnutigineqarput.

Illassutitut aningaasaliissutissat sooq qinnutigineqarpat?

Suliffeqarnermut Isumaginninnermullu Ingerlatsivimmi siunertami allatseqarfimmi 2021-mi atuinikinneruffiuvoq. Atuinikinnerunermi patsisaalluni, chefitut AC-tullu atorfiit piffissami sivisuumi



inuttalerneqarnerat tamakkiisuusimannginnerat kiisalu coronap atuunnerani killilersuutit suli atuummata pilersaarutit malillugit suliamut atatillugu angalanerit tamakkiisumik naammassineqarsinnaannginnerat.

TB3-mut nuussinissamut qinnuteqaat

Siunertaq 05.06.01 - Isumaginninnermut tunngasuni Oqartussaaffeqarfimmi suliat

Siunertaq 05.02.01 - Pisortanit ikiorsiissutit

13.000.000 kr.-nit allamut inissinneqarnissaat qinnuteqaatigineqarpoq.

Missingersuutitigut nuussinissamik kissaateqarnermi suna patsisaava?

Suliffeqarnermut Isumaginninnermullu Ingerlatsiviup Oqartussaaffeqarfiup missingersuutaasa torersarnerini paasivaa, Oqartussaaffeqarfimmi Isumaginninnermut tunngasuni missingersuutit siunertaat qaffasinaarlugu missingersuusiorfigineqarsimasoq, taavalu Pisortat ikiorsiissutaannut tunngasut ikinaarlugit missingersuusiorneqarsimasut.

Tamatuma saniatigut siunertamut Pisortat ikiorsiissutaannut aningaasartuutit ilimagisatut ikilinissaat pinngitsoorpoq.

Siunertaq Pisortat ikiorsiissutaat 2021-imi 10 mio.kr.-it tikillugit amigaateqalissaaq pisortat ikiorsiissutaannut matussusiinissamut, taamaattumillu tassunga 8 mio.kr.-nik nuussisoqarnissaa qinnuteqaatigineqarpoq. Sinneruttut 2 mio.kr.-it amigaataasut ilassutitut aningaasaliissuteqarfigineqarnissaat qinnuteqaatigineqassapput.

Tamatuma saniatigut ingerlatsiviup nalilerpaa, siunertami Pisortat ikiorsiissutaanni siusinaartumik pensionisiat 5 mio. kr.-nik atuineruffiussasut, taakkunungalu siunertamit isumaginninnermut tunngasuni oqartussaaffeqarfimmi sulianut 5 mio. kr.-nik taakkua matussutissaannik nuussisoqarnissaa qinnuteqaatigineqarluni. Ikiorsiissutit ukiuni kingullerni 50%-imik utertitsissutaasarnikuupput, tamannalu 2021-ip qiteqqunnerani unitsinneqarpoq. Taamaattumik kommunip aningaasartuutai ukiut siuliinut sanilliullugit atuinerulernerup kingunerisaanik sakkortunerusumik eqqorneqarput.

Siunertamut Pisortat ikiorsiissutaannut 13 mio.kr.-inik nuussisoqarnissaa qinnuteqaatigineqarpoq. Nuussisoqarnissaa siunertamut Oqartussaaffeqarfimmi isumaginninnermut tunngasunik sulianut sunnuteqassanngilaq, pissutigalugu ingerlatsivimmi suliassat suliarinissaannut aningaasassaartoqassammat. Taamatuttaaq oqartussaaffeqarfirmut tunngasuni innuttaasut ikiorsiissutitut pisartagassaat ukiup ingerlanerani tunniunneqarput.

Siunertamit uannga 05.06.01 - Isumaginninnermut tunngasunut Oqartussaaffeqarfimmi suliassat uunga Siunertamut 05.03.01 – Utoqqaat

1.000.000 kr.-nit allamut inissinneqarnissaat qinnuteqaatigineqarpoq.

Missingersuutitigut nuussinissamik kissaateqarnermi suna patsisaava?

Isumaginninnermut tunngasuni Oqartussaaffeqarfimmi suliassanik suliarinnittarnermut missingersuutti 2021-imoortut qaffasinaarneqarsimapput, taavalu utoqqarnut tunngasunut missingersuutit ikinaarneqarsimallutik.

Utoqqalinersianut utertitsissutaasussat eqqortumik missingersuusiorneqarsimanngillat, taamaattumik utoqqalinersianut 1 mio. kr.-inik nuussisoqarnissaa qinnuteqaatigineqarpoq, taamaasillutik missingersuutit utertitsissutaasussallu amerlaqatigiilersinneqarniassammata. Nuussisoqarnissaa siunertamut Oqartussaaffeqarfimmi isumaginninnermut tunngasunik sulianut sunnuteqassanngilaq, pissutigalugu ingerlatsivimmi suliassat suliarinissaannut aningaasassaartoqassammat.



Meeqqanut Ilaqutariinnullu Ingerlatsivik

Meeqqanut Ilaqutariinnullu Ingerlatsivik ilassutitut aningaasaliissutit katillugit 3,6 mio.kr.-it qinnutigai. Ataani tabelimi takuneqarsinnaapput, missingersuutaaqqaartut, TB2-p kingorna missingersuutitigut iluarsisutit, ilassutitut aningaasaliissutissat kissaatigineqartut kiisalu missingersuutit siunertat qaffasissusiannut 3-mi agguataarnerannut takussutissat, tassa TB3-mi allannguutissatut kissaatigineqartut akuersissutigineqassagaluarpata.

Siunertaq - Qaffasissuseq 3	Missingersuutaaqqaartut 2021	2021-mut missingersuutit iluarsisat	Ilassutitut aningaasaliissutit	Inissitsikkani k nuussinerit	TB3 kingorna missingersuutit nutaat
050101 - Meeqqat immikkut pisariaqartitsisut	302.313.024	306.916.424			306.916.424
050102 - Meeqqat innarluutillit	15.000.012	19.400.012	3.600.000		23.000.012
050103 - Inersimasut immikkut pisariaqartitsisut	3.908.988	3.908.988			3.908.988
050601 - Isumaginninnermut tunngasuni Oqartussaaffeqarfimmi suliat	24.065.200	24.065.200			24.065.200
160101 - Allatseqarfik	10.632.132	10.932.132			10.932.132
Kr.-it ilivitsunngorlugit - katinnerat.	355.919.356	365.222.756	3.600.000	0	368.822.756

TB3-mut ilassutitut aningaasaliissutissatut qinnuteqarneq

Siunertaq 05.01.02 – Meeqqat innarluuteqartut – Namminersorlutik Oqartussat paaqqinnittarfiinut akiliutigittakkanut akiliutit

3.600.000 kr.-it qinnutigineqarput.

Ilassutitut aningaasaliissutissat sooq qinnutigineqarpat?

Siunertaq 05.01.02 Meeqqat innarluuteqartut ukiup aallartinneraniit ikinaarlugu missingersuusiorfigineqarsimavoq, tamannalu ajuusaarnarpoq.

Siunertap iluani aninngaasaliissutit meeqqat innarluutillit Namminersorlutik Oqartussat paaqqinnittarfiinut inissinneqartarput. Akiligassiissutinik nassiussinerit aammalu akiligassanik akiliinerit takussutissamut annikitsumik akornusersuutaasinnaapput, kisialli inissinernut taakkununga akunnaallisillugu qaammammut 1,5 mio.kr.-it missingi atorneqartarput. Taamaattumik tassunga ukiumut 18 mio.kr.-it missingi aningaasartuutigineqartarput. Taakkununga ilaapput ikorfartortinut aningaasartuutit, qaammammut 350 t.kr.-it missingi atorneqartarmata, taamaattumillu 2021-imi 4,2 mio.kr.-it ilimagisamik atorneqarnissaat naatsorsuutigineqarpoq.

Kiisalu tikeraarnerit, taakku assigiinngisitaarsinnaapput, ukiumilu matumani 600 t.kr.-it missingi atorneqarput, 2021-imi missiliuusiortugit 800 t.kr.-it missingi angusarineqassallutik.

Qulaaniittut arlaannaalluunniit aningaasartuutaanngimmata, annertunerusumik allannguuteqartinneqarnavianngillat, ikorsiissutit pinngitsooratik tunniunneqartussat pineqarmata. Taamaattumik siunertami angusassatut maannakkut – Meeqqat innarluuteqartut - 2021-imi 23 mio.kr.-iunissaat. 2019-imi atuisimaneq qiviaraanni missiliuusiussat pitsaanersarissavaat, taamanikkut 22 mio.kr.-it missaanniissimapput, taavalu 2020-mi 24,5 mio.kr.-nik atuisoqarsimalluni. Taamaakkaluortoq aningaasaliissutitut immikkoortinneqartut 19,4 (TB2-miit ilassutitut



anigaasaliissutit ilanngullugit) piviusorsioituunngitsutut nalilerneqarput. Taamaattumik 3,6 mio. kr.-nik ilassutitut anigaasaliissuteqartoqarnissaa qinnuteqaatigineqarpoq.

Meeqqanut Ilaqutariinnullu Ingerlatsivimmit TB3-mut missingersuutinit nuussisoqarnissaa qinnuteqaatigineqanngilaq.



Meeqqanut Atuarfeqarnermullu Ingerlatsivik

Meeqqanut Atuarfeqarnermullu Ingerlatsivik ilassutitut aningaasaliissutinin katillugit 456 t.kr.-inik qinnuteqaateqarpoq. Ataani tabelimi takuneqarsinnaapput, missingersuutaqqaartut, TB2-p kingorna missingersuutitigut iluarsisutit, ilassutitut aningaasaliissutissat kissaatigineqartut kiisalu missingersuutit siunertat qaffasissusiannut 3-mi agguataarnerannut takussutissat, tassa TB3-mi allannguutissatut kissaatigineqartut akuersissutigineqassagaluarpata.

Siunertaq - Qaffasissuseq 3	Missingersuutaqqaar- rtut 2021	2021-mut missingersu- tit iluarsisat	Ilassutitut aningaasaliissu- tit	Inissitsitikk- an nuussinerit	TB3 kingorna missingersu- tit nutaat
030101 - Angerlarsimaffinni paaqqinnittarneq	3.594.228	3.246.228			3.246.228
030102 Meeraaqqeriviit	19.623.800	19.623.800			19.623.800
030103 Meeqqeriviit	15.660.184	15.660.184			15.660.184
030104 - Ukioqatigiinngitsu- nut meeqqeriviit	86.778.161	86.778.161			86.778.161
030201 - Tunngaviusumik atuarfik	258.079.828	262.879.828	456.822		263.336.650
030202 - Sunngiffimmi sammisassatullu negeroorutit	48.746.108	49.386.108			49.386.108
030204 - PPR	7.068.956	6.938.956			6.938.956
030801 - Ilinniarnermi ineqarnermut periarfissat	12.059.516	12.059.516			12.059.516
080201 - Atuakkanik atorniartarfeqarne- q	401.671	401.671			401.671
160101 - Allatseqarfik	7.428.988	7.328.988			7.328.988
Katillugit	459.441.440	464.303.440	456.822	0	464.760.262

TB3-mut ilassutitut aningaasaliissutissatut qinnuteqarneq

Siunertaq 03.02.01 – Tunngaviusumik atuarfik –*Nuuk Internationale Friskolemut ingerlatsinermut tapiissutit*

456.822 kr.-it qinnutigineqarput.

Ilassutitut aningaasaliissutissat sooq qinnutigineqarpat?

Ingerlatsivik Nuuk Internationale Friskole-mit inatsisitigut piumasaqaataasumik ingerlatsinermut tapiissuteqarfigineqarnissamik aammalu 2022-mut kommunimit tapiiffineqarnissamut qinnuteqaammik tigusaqarsimavoq. 2021-mi katillugit 9,99 mio.kr.-nik tapiissuteqartoqarpoq ukiumi atuarfiusumi 2020/2021-mi atuartut 205-t amerlaqataannut. Tapiissutit inatsisitigut piumasaqaataasumik tapiissutininut aammalu tapiissutininut kommunimit inatsisitigut piumasaqaataannngitsunut matussutaassapput. Tapiissutit ataatsimoortumik tapiissutini kisitsisit



tunngaviusut kommunimilu tapiissutit aallaavigalugit atuartumut ataatsimut ukiumut naatsorsorneqartarput.

2021-mut aningaasanut inatsit naapertorlugu Namminersorlutik Oqartussat aalajangiuppaat, ingerlatsinernut tapiissutinullu aningaasaliissutit akitigut aningaasarsiatigullu iluarsiissuteqarfigineqassanngitsut. Namminersorlutik Oqartussat iluarsiissuteqarnissamut tunngatillugu aalajangiinerat kommunalbestyrelsimit malinneqarpoq. Tamanna tunngavigalugu, atuartumut ataatsimut ataatsimoortumik tapiissutini kisitsit pingaarneq 34.252 kr.-nik aningaasartaqarpoq, kommunillu tapiissutai 14.457 kr.-iullutik. Kisitsisit pingaarnerit 2020-mi kisitsisit assigaat.

Aningaasaliissutit ukiumut naatsorsuusiortumut atuuttussaammata, tapiissutit ukiut tamaasa iluarsiissuteqarfigineqartarput, septembarip aallartisimalernerani atuartut amerlassusaat najoqqutaralugit. Septembarimi atuartut amerlassusiat 210-nut amerleriarsimapput. Taamaasillutik aningaasaliissutaasut 101.477 kr.-nik iluarsiissuteqarfigineqassapput. Tamatuma saniatigut ukiuni marlunni kingullerni kommunimi missingersuutit naleqqussarneqarsimanngillat, tamatumalu kingunerisaanik 355.345 kr.-nik ikinaaraluni missingersuusiortoqareersimavoq. Taamaattumik 2021-mut ilassutitut aningaasaliissutissatut katillugit 456.822 kr.-it qinnuteqaatigineqarput.

Meeqqanut Atuarfeqarnermullu Ingerlatsivimmit TB3-mut atasumik missingersuutini nuussinissaq qinnuteqaatigineqanngilaq.



Sanarfinermut Avatangiisinullu Ingerlatsivik

Sanarfinermut Avatangiisinullu Ingerlatsivik – ilassutitut aningaasaliissutinin katillugit 5,7 mio.kr.-inik qinnuteqarpoq. Ataani tabelimi takuneqarsinnaapput, missingersuutaqaartut, TB2-p kingorna missingersuutitigut iluarsisutit, ilassutitut aningaasaliissutissat kissaatigineqartut kiisalu missingersuutit siunertat qaffasissusiannut 3-mi agguataarnerannut takussutissat, tassa TB3-mi allannguutissatut kissaatigineqartut akuersissutigineqassagaluarpata.

Siunertaq - Qaffasissuseq 3	Missingersuutaqaartut 2021	2021-mut missingersuuti t iluarsisat	Ilassutitut aningaasaliissuti t	Inissitsikkani k nuussinerit	TB3 kingorna missingersuuti t nutaat
040101 - Piniarneq, aalisarneq	1.016.376	1.016.376			1.016.376
070101 - Illoqarfimmik pilersaarusiorneq		3.320.560			3.320.560
070201 - Pinngortitaq nakkutilliinerlu					0
070301 - Avatangiiseq nakkutilliinerlu	1.204.908	1.804.908			1.804.908
070303 - Qimmeqarneq ajoqutaasunillu uumasuiaaneq	992.028	992.028			992.028
070304 - Tigooraaviit	-85.860	-85.860	1.900.000		-1.985.860
070401 - Sumiiffimmi entreprenør	26.774.520	26.774.520			26.774.520
070501 - Teknikkimut, avatangiisimut pilersaarusiornernullu oqartussaaffeqarfimm i suliaqarneq	11.563.856	11.948.156			11.948.156
090201 - Umiarsualiviit umiarsuillu angallannerat	873.012	873.012			873.012
090203 - Aqquserngit, ikaartarfiit, majuartarfiit	7.323.000	7.323.000			7.323.000
090301 - Aputaajaaneq	10.696.008	10.696.008			10.696.008
090302 - Saligaatsuutitsineq		0			0
090303 - Kuuffissuit	2.097.960	2.097.960			2.097.960
090304 - Illoqannginnerat, pinnguarterfiit il.il.	2.411.976	2.411.976			2.411.976
090305 - Iliveqarfiit	759.000	759.000			759.000
100101 - Nukissiuuteqarneq (innaallagjaq, imeq kiassarnerlu)	442.008	442.008			442.008
100102 - Eqqagassalerineq	1.155.588	1.155.588	-2.650.000		-1.494.412
100107 - Illut sulliviit	2.753.952	2.753.952			2.753.952
100108 - Pujoorfinnik saliineq		0			0
100109 - Ikuallaavik	-748.872	-748.872	10.250.000		9.501.128
110101 - Upalungaarsimaneq	12.670.188	16.121.187			16.121.187
160101 - Allatseqarfik	10.060.140	12.210.140			12.210.140



160105 - Illut/illuutiniq ingerlatsineq		0			0
Kr.-it ilivitsunngorlugit - katinnerat.	91.959.788	101.865.647	5.700.000	0	107.565.647

TB3-mut ilassutitut aningaasaliissutissatut qinnuteqarneq

Siunertaq 07.03.04 – Tigooaraavik – *Isertitassanik qaffaaneq*

Kr.-nit 1.900.000 qinnutigineqarput.

Illassutitut aningaasaliissutissat sooq qinnutigineqarpat?

Sanarfinermut Avatangiisinullu Ingerlatsiviup kommunimi tigooaraavinni 2021-mi isertitat amerleriarnissaat naatsorsuutigaa. 2021-mi kvartalit pingajuanni isertitat 12 mio.kr.-niusimapput, tamannalu pissutigalugu kommunip tigooaraaviiniit isertitassatut ilimagisat ukioq manna 14 mio.kr.-nut amerlineqarnissaannut ingerlatsivik pissutissaqarpoq. Isertitat amerlinerannut siullertut pissutaavoq eqqakkat togooraavimmut tunniunnerini nalunaarsuineri periutsimik allannguuteqartitsimaneq, aappaatullu Nuummi sanaartornerup qaffasissuunera pissutaalluni. Tigooaraaviit pingaarnertut isertitaqassutiginerpaasarpaat inuussutissarsiuteqartut eqqagassanik tunniussisarnarat.

Siunertaq 10.01.02 – Eqqagassalerineq – *Isertitassanik qaffaaneq*

Kr.-nit 2.650.000 qinnutigineqarput.

Illassutitut aningaasaliissutissat sooq qinnutigineqarpat?

Sanarfinermut Avatangiisinullu Ingerlatsiviup eqqagassalerineri isertitassanik qaffaasoqarnissaa qinnuteqaatigaa. 2021-mi kvartalit pingajuanni kommune eqqagassalerinermit 7,9 mio.kr.-nik isertitaqaateqarpoq. Eqqagassalerinermit isertitassat kvartalikkaartumik akiligassiissutigineqartarput, ukiullu ingerlanerani inoqutigiit akiligassiissutininik nassinneqartartartut amerlassusaat allannguuteqarpiarneq ajormata, kvartalit sisamaanni 2,65 mio.kr.-nik akiligassiissoqarnissaa ingerlatsiviup naatsorsuutigaa. 2021-ip ingerlanerani eqqagassalerineri akiligassiissuteqartarneq pitsanngorsarneqarpoq, taamaattumillu eqqagassalerineri tunngasuni isertitassanik qaffaasoqarnissaa qinnuteqaatigineqarluni.

Siunertamit 10.01.09 – Ikuallaavik – *Isertitassanik ikililerineq*

10.250.000 kr.-it qinnutigineqarput.

Illassutitut aningaasaliissutissat sooq qinnutigineqarpat?

Ingerlatsivik 2021-ip ingerlanerani ilanngaattissat ilanngaatigereerlugit aningaasaliissutaasartut isertitassatut aningaasartuutissatullu aningaasaliissutitut allanngortinnissaat ukkatarisimavaa, tassungalugu atatilugu ingerlatsivik misissuingaatsiarsimavoq, torersaalluni namminerlu kontuminik avissaartitaluni. Ilaatigut ingerlatsivimmi tigooaraaviup ikuallaaviullu missingersuutai avissaartinneqarput. Tassunga atatilugu paasineqarpoq, siunertami 10.01.09-mi Ikuallaavik 2021-mi 11,25 mio.kr.-nik amerlanaarlugit missingersuusiorfigineqarsimavoq. Ingerlatsiviup kommunip ikuallaavianit kissamik sinneruttumik tunisinermit 1 mio.kr.-nik ikinnerusunik taamaallaat isertitaqarnissaaq naatsorsuutigaa. Taamaattumik 10,25 mio.kr.-nut isertitassanik ikililerisoqarnissaa qinnuteqaatigineqarpoq.



Sanarfinermut Avatangiisinullu Ingerlatsivimmit TB3-mut atasumik missingersuutini nuussinissamik qinnuteqaatigineqanngilaq.



Sanaartornermut missingersuutit - Sanarfinermut Avatangiisinullu Ingerlatsivik

Sanarfinermut Avatangiisinullu Ingerlatsivik ilassutitut aningaasaliissutinik katillugit 11 mio.kr.-inik qinnuteqarpoq. Ataani tabelimi takuneqarsinnaapput, sanaartugassanut missingersuutaqqaartut, TB2-p kingorna sanaartugassanut missingersuutitigut iluarsisutit, ilassutitut aningaasaliissutissatut kissaatigisat kiisalu missingersuutit siunertat qaffasissusissami agguataarnerannut takussutissat, tassa TB3-mi allannguutissatut kissaatigineqartut akuersissutigineqassagaluarpata.

Sanaartugassatut pilersaarut	Missingersuutaqqaartut 2021	2021-mut missingersuutit iluarsisat	Ilassutitut aningaasaliissutit	TB2 kingorna missingersuutit nutaat
0204014001 - Nunaqarfinnik ineriartortitsinermut pilersaarut - Immikkoortumut pilersaarut	8.000.000	7.696.777		7.696.777
0301044004 - Suliffeqarfinnit attartornermut akiliutit	8.000.000	8.000.000		8.000.000
0302024006 - Kuanninnguani illuaqqat	4.000.000	0		0
0401014002 - Tasiilami kalaalimineerniarfik		1.073.285		1.073.285
0401014004 - Sinerissamut qanittumi aalisarneq pillugu immikkoortumut pilersaarut	3.000.000	3.000.000		3.000.000
0501034003 - Angerlarsimaffeqanngitsunut Sullissivik	2.000.000	0		0
0503014003 - Tasiilami utoqqaat illuat nutaaq	3.000.000	3.500.000		3.500.000
0701014001 - Sumiiffimmi qitiutinneqartoq Paamiut, Paamiunut Tamakkiisumik pilersaarut	3.000.000	3.067.693		3.067.693
0701034009 - Attaveqatigiinnermut sanaartorfissagissaanermullu aningasat atugassat	50.000.000	50.000.000		50.000.000
0703014001 - Avatangiisinut iliuusissanik pilersaarut, ataatsimut		0		0
0703014002 - Imikoorneq pillugu pilersaarut, ataatsimut	3.600.000	3.600.000		3.600.000
0703014003 - Isaterineq iluarsaassinerlu Kangillinnuit/Grønnedal	2.000.000	2.000.000		2.000.000
0703014007 - Tunumi nunaqarfinni tallimani illunik isaterineq	800.000	484.000		484.000
0703014008 - Nunaqarfinni Ittoqqortoormiinilu salineq	1.500.000	1.500.000		1.500.000
0703044001 - Eqqakkanik suliaqarneq Nuuk		0		0
0703044002 - Esani	9.000.000	9.000.000		9.000.000
0703044003 - Tigooraavik aamma materialegårdi, Paamiut	1.000.000	1.000.000		1.000.000
0801024009 - Tasiilami majuartaateqarfinni inissivik	0	2.251.000		2.251.000
0801024011 - Naluttarfik Malik, Issiavinnik kaassuartaakkanik atuisunut isaariaq il. il.		594.500		594.500



Sanaartugassatut pilersaarut	Missingersuutaqqaartut 2021	2021-mut missingersuutit iluarsisat	Ilassutitut aningaasaliissutit	TB2 kingorna missingersuutit nutaat
0801024012 - Kuummiini arsaattarfik ivigaaraasalik	3.400.000	3.400.000		3.400.000
0802044003 - Tasiilami inuusuttut illussaata allangortiterneqarnera		0		0
0802044005 - Katuap nutarterneqarnissaanut aningaasaliissutit	800.000	2.606.000		2.606.000
0901014001 - Internetti	5.000.000	5.000.000		5.000.000
0902014003 - Tasiilami umiatsianik inaalitsisarnerit aamma umiarsualiviup itisilerneqarnera	0	252.447		252.447
0902014004 - Mittarfiup allilerneqarnera	35.000.000	35.000.000		35.000.000
0902014005 - Umiatsianut toqqavik	0	300.000		300.000
0902034003 - Kapisilinnut ATV-nut aqut		0		0
0902034004 - Ittoqqortoormiini betonimik aqqusinniorneq kussinilersuinerlu	500.000	500.000		500.000
0902034005 - Illoqarfiup aqquserngini tamani asfaltip iluarsartuunneqarnera	3.000.000	3.000.000		3.000.000
0902034009 - Biilnut innaallagiatortunut orsersuisarfinnik atuutilersitsineq	750.000	750.000		750.000
0903034001 - Kuuffissuarnik iluarsartuussinerit, ataatsimut		0		0
0903034005 - Kuuffissuarnik iluarsartuussinerimut aningaasaliissutit 2019-2023	10.000.000	9.659.362		9.659.362
0903044003 - Naapittarfimmi qallersuineq quillilersuinerlu	0	0		0
1001054011 - Tasiilami inissialiorneq, inissiat 10-t	2.000.000	2.000.000		2.000.000
1001054014 - Misileraatitut illuliap sanaartorneqarnera	2.000.000	2.000.000		2.000.000
1101014001 - Nuummi Materielgárdip Qatserisartoqarfiullu nuunneqarnissaat		0		0
1101014005 - Upalungaarsimanermut immikkoortumut pilersaarut	4.000.000	4.000.000		4.000.000
1601014001 - Misissueqqaarnerit	2.000.000	1.300.000		1.300.000
1601014002 - Biilnik pisineq	2.000.000	2.000.000		2.000.000
1601014006 - Sulinerimut atatillugu biilnik taarsersuineq	4.000.000	4.000.000		4.000.000
1601014007 - Pilersaarusiornissamut aningaasaliissutit	2.500.000	2.200.000		2.200.000
1601024001 - Konto ukiumut ataasarluni aamma ukiunut tallimanut nakkutilliinermut atugassaq	700.000	700.000		700.000
1601024002 - Aningaasaqarnerimut atortumik ineriartortitsineq, Ataatsimut	8.000.000	8.000.000		8.000.000
1601024003 - 20/20/60 aamma	30.000.000	30.000.000		30.000.000



Sanaartugassatut pilersaarut	Missingersuutaqqaartut 2021	2021-mut missingersuutit iluarsisat	Illassutitut aningaasaliissutit	TB2 kingorna missingersuutit nutaat
piginneqatigiinnissamut taarsigassarsineq				
1601024004 - Akiliutissanut sipaakkat	40.000.000	40.000.000		40.000.000
1601024005 - Ineqarnermut akiliutinut naligiissaarineq	17.000.000	17.000.000	11.000.000	28.000.000
1601024006 - SAN ISERTITAT		0		0
1601044001 - IT-systemimik Ineriartortitsineq	3.000.000	3.000.000		3.000.000
1601054001 - Allaffissornermut illuutitik aserfallatsaaliineq	35.600.000	35.600.000		35.600.000
1601074001 - Illut BSU-t iluarsartuunnissaannut tapiissutit	2.000.000	2.000.000		2.000.000
Pilersaarut nutaaq - Nuummi avatangiiisut mingutsitsinngitsumik pinnguarterfiliaq		630.000		630.000
Missingersuutit katillugit, sanaartorneq	312.150.000	311.035.064	11.000.000	322.665.064

TB3-mut illassutitut aningaasaliissutissatut qinnuteqarneq

Siunertaq 1601024005 – Ineqarnermut akiliutit naligiissarnerat – *immikkut aningaasaliissutit 11.000.000 kr.-it qinnutigineqarput.*

Illassutitut aningaasaliissutissat sooq qinnutigineqarpat?

Kommunip namminersortut aningaasaliisartut illuutaannik attartornissamut isumaqatigiissuteqareernerani attartortunut annikinnerusumik akiliuteqartitsilluni inissianik attartortitsisarnermik suleriuseqartoqarpoq. Attartortut attartornermut akiliutigisartagaat kommunillu aningaasaliissuteqartunut attartornermut akiliutigisartagaasa assigiinngissutaat, tassa attartornermut nikingassut, kommunimit akilerneqartarpoq. Taamatut suleriuseqarneq Kommunalbestyrelsimit akuerisaavoq.

Ineqarnermut akiliutit naligiissarneqarnerinut 2021-mi missingersuutitut naatsorsuutigisat 17 mio. koruuniusunut sanilliullugit 2021-mi kommunip 27,8 mio. koruuningajannik aningaasartuutigissavai. Aningaasartuutit 2020-mi 2021-milu akisunerulernikuuallaanngillat. 2020-mi aamma 2021-mi inissiat amerlanerulerput taakkulu attartornermi nikingassutaanut aningaasartuuteqartitsinerulerput, taakkunungalugu ilanngullugit missingersuutaqqaartumi ilanngunneqanngitsaq ingerlatsinermut aserfallatsaaliuinemullu aningaasartuutit.

TB3-mut sanaartugassanut tunngatillugu missingersuutinit nuussisoqarnissaa qinnuteqaatigineqanngilaq.



Ingerlatsivimmit aningaasatigut sulisoqarnikkullu naliliinerit

Kommunip maannakkut aningaasaqarnera naapertuuttumik iliuuseqarfiginiarlugu atuineruffiusussatut ilimasaarutigineqartut 2021-mi avaqqunneqarsinnaanngimmata ilassutitut aningaasaliissutissatut nassiunneqartut suliasamik saqqummiussamiittut akuersissutigineqartariaqarput. Ilassutitut aningaasaliissutissatut kissaatigineqartut akuersissutigineqarneri kommunip karsianiittuutaaniit 39 mio. koruuninik tigoriaannaataaniit tigusinissamik kinguneqassaaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup innersuussutit innersuussutigai.

Inatsisitigut tunngavissaq allakkallu tunngaviusumik uppersaattallit

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersuiisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaanni nr. 3, 3. februar 2012-imeersumi allassimavoq, Kommunalbestyrelsi aningaasaliissutininik ingerlaavartumik nakkutilliinernik suliaqartassasoq. § 6 imm 2 naapertorlugu, aningaasaliissutininik nakkutilliineq ingerlaavartumik suliarineqartassaaq ikinnerpaamillu ukiumut pingasoriarluni Kommunalbestyrelsimut saqqummiunneqartassalluni.

Ilanngussaq

1. Kommuneqarfik Sermersuumi aningaasaliissutit 3.kvartal 2021-mi naatsorsuutaat.

Missingersuutit 2022 - Aappassaaneerneqarnerat

Aalajangiiffigisassaq

SagsID.: EMN-2021-11436

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- missingersuutissatut siunnersuut, sanaartugassanut missingersuutit kiisalu missingersuutitut siunnersuutit, 142,3 mio. koruuninik sinneqartooruteqarfiusussat, ilanngullugit (ingerlatsinerimut sanaartornermilu angusat / IS-angusat), aamma aningaasanik tigeriaannarnik atuineq 20 mio. koruunit (ingerlatsinerimut, sanaartornermut taarsigassarsititsinerimullu angusat (IST-angusat) akuersissutigineqassasut
- akit allattorsimaffiat akuersissutigineqassasoq.
- Missingersuutissatut siunnersuut akuerineqassasoq
- akileraarutip procentia 2022-mi 26 procentiusussatut aalajangerneqassasoq
- Aningaasaqarnermut Inuussutissarsiornermullu Ataatsimiititap 2022-mi piginnaatinneqassasoq, ingerlatsinerimut aningaasaliissutit nuunneqarsinnaanerinit tamanna ingerlatsinerimiit ingerlatsinerimut aatsaat pippat.
- Aningaasaqarnermut Inuussutissarsiornermullu Ataatsimiititap 2022-mi pisinnaatinneqassasoq, sanaartornermut aningaasaliissutit nuunneqarsinnaanerinit tamanna sanaartornermit sanaartornermut aatsaat pippat
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Allaffeqarfiup Aningaasaqarnermut Inuussutissarsiornermullu Ataatsimiititap 2022-2025-mut inaarutaasumik missingersuusiorderneratut atatillugu arlalinnik allagaqarpoq suliamut saqqummiussisummut matumunnga ilanngunneqartunik.

Allakkat Aningaasaqarnermut Inuussutissarsiornermullu Ataatsimiititap 2022-2025-mut ataatsimoortumik Missingersuutissatut isumaqatiginninniutaanut tunngasuupput, Kommunalbestyrelsimut tamarmiusumit oktobarip ulluisa 27-anni 2021-mi isumaqatigiissutigineqartut.

Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersumi §21 naapertorlugu ukiumoortumik missingersuutissat kommunalbestyrelsimi minnerpaamik sapaatip-akunnerisa marluk akornanni marloriarlugit suliarineqassapput.

Missingersuutit siullermeerneqarput Kommunalbestyrelsip oktobarip ulluisa tallimaanni 2021-imi ataatsimiinnerani, taavalu aappassaaneerneqassallutik novembarip ulluisa 23-anni 2021-mi.

Oktobarip ulluisa 27-anni 2021-imi Kommunalbestyrelsimi partiit akornanni tamani Missingersuutit pillugit Kommunalbestyrelsimi isumaqatigiissuteqartoqarpoq.

Suliamik saqqummiussami matumani ilanngussani uppersarsarneqarput missingersuutit pillugit politikkikkut isumaqatigiissutigineqartut, aammalu kommunip 2022-mut ataatsimoortumik missingersuutigalugit.



Tabel 2 - Suliffeqarfimmut Kiffartuussivimmi missingersuutitut siunnersuummut tamakkiisumik takussutissiaq

Budgetforslag indeholdt i budgetforliget for budget 2022						
Kocernservice						
Budgetforslag nr:	Budgetforslag Titel	Formål navn	Formål nr:	Budgetforslag 2022		
				Indtægter	Udgifter (-)	Netto
401.1	Nyt skøn for personskatteindtægter	Skatter og afgifter	010101	-126.465	0	-126.465
401.2	Regulering af bloktilskud og skatteudligning i budget 2022	Tilskud til kommuner	010202	20.468	0	20.468
401.3	Aalborgdage	Sekretariat	160101	0	-200	-200
401.4	Normalisering af Indkøbsbudgettet	Sekretariat	160101	0	7.300	7.300
401.5	Neutralisering af indkøbspulje	Sekretariat	160101	5.204	0	5.204
401.6	Flere ressourcer til HR	HR	160103	0	1.000	1.000
401.7	Pensionsmidler til lærlinge og elever	HR	160103	0	500	500
401.8	Normalisering af kommunens IT-budget	IT-drift	160104	0	10.600	10.600
401.9	Fablab - Gentænkning af klubber	Fritids- og aktivitetstilbud	030202	0	1.500	1.500
401.12	Samarbejde med Mind Your Own Business	Fritids- og aktivitetstilbud	030202	0	100	100
401.13	Fodboldbaner - Servicekontrakt	Idræt	080102	0	575	575
401.14	Driften af Multiværksted i Paamiut	Andre kulturelle tiltag	080204	0	350	350
401.15	Kultur som løftestang - Genetablering af kulturaktiviteter efter etårig besparelse 2021	Andre kulturelle tiltag	080204	0	1.150	1.150
401.16	Delvis normalisering af budgetter for museer og kulturinstitutioner efter Covid-19 besparelser i 2021	Museumsvirksomhed	080203	0	470	470
401.16	Delvis normalisering af budgetter for museer og kulturinstitutioner efter Covid-19 besparelser i 2021	Andre kulturelle tiltag	080204	0	150	150
401.17	Konsekvenser af overenskomster på kulturområdet	Museumsvirksomhed	080203	0	124	124
401.17	Konsekvenser af overenskomster på kulturområdet	Andre kulturelle tiltag	080204	0	24	24
401.18	Ammassalik Museum, Tasiilaq	Museumsvirksomhed	080203	0	250	250
401.21	Nedlæggelse af Sport Event Nuuk Oquna	Idræt	080102	0	-150	-150
401.22	Fritidsundervisning for voksne	Fritidsundervisning	080101	0	-100	-100
401.24	Strukturel omlægning i Sundhed, fritid og kultur	Andre kulturelle tiltag	080204	0	-115	-115
401.26	Besparelser på konsulentudgifter	Økonomi	160102	0	-1.000	-1.000
401.27	Greenland Science Week	Øvrige brancher	040107	0	-300	-300
401.28	Råstoffer	Råstoffer	040103	0	-100	-100
401.29	Besparelse på turismepulje	Turisme	040104	0	-223	-223
401.30	Besparelse på employer branding	HR	160103	0	-100	-100
401.37	Besparelse på personalepleje	HR	160103	0	-200	-200
401.38	Besparelse på FOKU-kursusmidler	HR	160103	0	-500	-500
401.39	Udvidelse af åbningstider klubberne på vestkysten	Fritids- og aktivitetstilbud	030202	0	494	494
401.40	Illorput – forhøjet rengøringsbidrag efter leje	Andre kulturelle tiltag	080204	-9	0	-9
401.41	Illorput – Værkstedsleje pr. time	Andre kulturelle tiltag	080204	0	0	0
401.42	Illorput – Tilmeldingsgebyr kurser Illorputs værksteder	Andre kulturelle tiltag	080204	-5	0	-5
P1	Politisk kommunikationsstrategi	Sekretariat	160101	0	0	0
P2	Udarbejdelse af integrationspolitik	Sekretariat	160101	0	0	0
P6	Mere brug af kulturelle emner i undervisning i folkeskoler	Andre kulturelle tiltag	080204	0	0	0
P8	Ittoqqortoormiuts 100-års jubilæum	Andre kulturelle tiltag	080204	0	0	0
P43	Undersøgelse af samarbejdsmuligheder med Grønlands Idrætsforbund	Idræt	080102	0	0	0
P45	Internet til alle klubber	Fritids- og aktivitetstilbud	030202	0	302	302
P46	Kittat i Tasiilaq	Andre kulturelle tiltag	080204	0	900	900
P52	Fritidsundervisning	Voksne med handicap	080101	0	100	100
Budgetforslag for Koncernservice, totalt				-100.807	22.901	-77.906
+ = udgifter/merudgift, -= indtægter/mindreudgifter						

Tabel 3 – Suliffeqarnermut Isumaginninnermullu Ingerlatsivimmi missingersuutitut siunnersuummut tamakkiisumik takussutissiaq

Budgetforslag indeholdt i budgetforliget for budget 2022						
Forvaltningen for Velfærd & Arbejdsmarked						
Budgetfr	Budgetforslag	Formål navn	Formål nr:	Budgetforslag 2022		
	Titel			Indtægter	Udgifter (-)	Netto
402.1	Aktivering	Beskæftigelsesindsats	050501	0	1.267	1.267
402.2	Korrektion af refusioner på boligsikring og barsel	Offentlig hjælp	050201	0	9.730	9.730
402.3	Siu-Tsiu / Socialøkonomisk virksomhed i Tasiilaq	Majoriaq	050502	0	960	960
402.4	Opdeling af budget vedr. plejeophold ved sundhedsvæsenet	Ældre	050301	0	-1.200	-1.200
402.4	Opdeling af budget vedr. plejeophold ved sundhedsvæsenet	Voksne med handicap	050104	0	1.200	1.200
402.5	Omplacering af myndighedsmidler	Myndighedsbehandling på socialområdet	050601	0	-10.000	-10.000
402.5	Omplacering af myndighedsmidler	Offentlig hjælp	050201	0	10.000	10.000
402.6	Omplacering af OCN-midler	Sekretariat	160101	0	-300	-300
402.6	Omplacering af OCN-midler	Voksne med handicap	050104	0	300	300
402.7	Omplacering af budget vedr. revalideringsmidler	Offentlig hjælp	050201	0	-2.933	-2.933
402.7	Omplacering af budget vedr. revalideringsmidler	Beskæftigelsesindsats	050501	0	2.933	2.933
402.10	Besparelser på administrationen	Sekretariat	160101	0	-1.000	-1.000
402.12	Nedlæggelse af sundhedsfaglig koordinator	Ældre	050301	0	-275	-275
402.16	Borgerrelaterede ydelser	Voksne med handicap	050104	0	-700	-700
P3	Implementering af "One Door princip" i handicapområdet	Børn med handicap	050102	0	0	0
P9	Bedre fodpleje i plejehjemmene - forbyggelse og bedre sorinering af de ældre	Ældre	050301	0	0	0
P18	En koordineret forebyggelse - bedre samarbejde med Allorfiit	Misbrugsbehandling	050105	0	0	0
Budgetforslag for Forvaltningen for Velfærd & Arbejdsmarked, totalt				-	9.982	9.982
+ = udgifter/merudgift, -= indtægter/mindreudgifter						

Tabel 4 - Meeqqanut Ilaqutariinnullu Ingerlatsivimmut missingersuutitut siunnersuummut tamakkiisumik takussutissiaq

Budgetforslag indeholdt i budgetforliget for budget 2022						
Forvaltningen for Børn & Familie						
nr:	Budgetforslag Titel	Formål navn	Formål nr:	Budgetforslag 2022		
				Indtægter	Udgifter (-)	Netto
403.1	Krisecenter, behandlingstilbud	Voksne med særlige behov	050103	0	800	800
403.2	Teamleder	Børn med særlige behov	050101	0	450	450
403.3	Tryghedspatruljen	Børn med særlige behov	050101	0	1.500	1.500
403.4	Administrative besparelser	Sekretariat	160101	0	-100	-100
403.6	Anbringelser	Børn med særlige behov	050101	0	-1.500	-1.500
P44	Etablering af støttekorps	Børn med handicap	050102	0	500	500
P48	Værested for børn og unge med handicap under 18	Børn med handicap	050102	0	0	0
P49	Bedre skolegang for børn med handicap	Børn med handicap	050102	0	0	0
P50	Styrket samarbejde med forældre til børn med handicap	Børn med handicap	050102	0	0	0
Budgetforslag for Forvaltningen for Børn & Familie, totalt				-	1.650	1.650
+ = udgifter/merudgift, -= indtægter/mindreudgifter						

Tabel 5 - Meeqqanut Atuarfeqarnermullu Ingerlatsivimmut missingersuutitut siunnersuummut tamakkiisumik takussutissiaq

Budgetforslag indeholdt i budgetforliget for budget 2022						
Forvaltningen for Børn & Skole						
nr:	Budgetforslag Titel	Formål navn	Formål nr:	Budgetforslag 2022		
				Indtægter	Udgifter (-)	Netto
404.1	AKO	Fritids- og aktivitetstilbud	030202	0	5.200	5.200
404.2	Ny integreret daginstitution ved Malik	Integreret institution	030104	-730	9.367	8.637
404.3	Ny integreret daginstitution ved ny skole	Integreret institution	030104	-320	4.390	4.070
404.4	Forstander til ny skole	Grundskole	030201	0	1.000	1.000
404.5	KRAP projekt på Tasiilami Alivarp	Grundskole	030201	0	500	500
404.6	Lønreguleringer	Vuggestue	030102	0	3.657	3.657
404.7	Nye NPK overenskomster	Integreret institution	030104	0	11.892	11.892
404.8	Ekstra lærerbehov	Grundskole	030201	0	9.724	9.724
404.9	Øget tilskudsbevilling	Dagpleje	030101	0	250	250
404.10	Nye IMAK-overenskomster	Grundskole	030201	0	1.560	1.560
404.11	Spareforslag på grundskole	Grundskole	030201	0	-4.000	-4.000
404.12	Spareforslag på Børnehave	Børnehave	030103	0	-2.000	-2.000
404.13	Øgede elever på NIF	Grundskole	030201	0	600	600
P4	Mere involvering af erhvervsdrivende virksomheder i folkeskoler	Grundskole	030201	0	0	0
Budgetforslag for Forvaltningen for Børn & Skole, totalt				-1.050	42.140	41.090
+ = udgifter/merudgift, -= indtægter/mindreudgifter						

Tabel 6 - Sanarfinermut Avatangiisinullu Ingerlatsivimmi missingersuutitut siunnersuummut tamakkiisumik takussutissiaq

Budgetforslag indeholdt i budgetforliget for budget 2022						
Forvaltningen for Anlæg & Miljø						
nr:	Budgetforslag Titel	Formål navn	Formål nr:	Budgetforslag 2022 Indtægter Udgifter (-)		Netto
405.1	Indtægtsforhøjelse på affaldsområdet	Modtagestationer	070304	-2.376	0	-2.376
405.2	Indtægtsforhøjelse på renovationsområdet	Renovation	100102	-1.917	0	-1.917
405.3	Bilpark	Sekretariat	160101	0	2.865	2.865
405.4	Indtægtsreduktion på forbrænding	Renovation	100102	1.000	0	1.000
405.5	Opjustering af byggemodningsindtægter	Byggemodning	070103	-11.000	0	-11.000
405.6	Boligforsyning - ejerskiftegebyr	Boligforsyning	100105	-2.500	480	-2.020
405.7	Tilbagerulning til 2019 takster vedr. servicehuse	Servicehuse	100107	0	0	0
405.8	Indtægt fra takster vedr. udrykning jf. 2%-	Beredskab	110101	-10	0	-10
405.9	Indtægt fra takster vedr. arealtildeling jf. 2%-stigning	Myndighedsbehandling teknik, miljø og plan	070501	-48	0	-48
405.10	Indtægt fra affaldsstakster jf. 2%-stigning	Modtagestationer	070304	-296	0	-296
P10	Takster vedr. servicehusene nedsættes og harmoniseres til laveste niveau	Servicehuse	100107	0	0	0
P11	Taksten vedr. badeværkstedet i Tasiilaq nedsættes til 20219-niveau og dipositummet	Fangst, fiskeri	040101	0	0	0
P15	Undersøgelse af behov for et Bygge Råd	Myndighedsbehandling teknik, miljø og plan	070501	0	0	0
P30	Byggesagkyndig ansættes i Tasiilaq	Myndighedsbehandling teknik, miljø og plan	070501	0	600	600
Budgetforslag for Forvaltningen for Anlæg &				-17.147	3.945	-13.202
+ = udgifter/merudgift, -= indtægter/mindreudgifter						

Ingerlatsivimmit aningaasatigut sulisoqarnikkullu naliliinerit
Ataani ilaatinneqarpoq.

Suliffeqarfimmut Kiffartuussivimmit aningaasatigut naliliineq
Suliffeqarfimmut Kiffartuussiviup nalilerpaa, 2022-mut missingersuutit pillugit isumaqatigiissutaasumi ingerlatsinermut sanaartornermut 142,3 mio. kr.-it sinneqartoorutigineqassasut, taavalu karsimiittutiginetartut 20 mio. kr.-nik amerlinissaat, aningaasaqarnikkut attanneqarsinnaasoq.

Inatsisitigut tunngavissaq allakkallu tunngaviusumik uppersaattallit

- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq.
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunip Aqutsinermi lleqqoreqqusai.
- Kommunip missingersuutitut malittarisassaa 2022-mut atuuttoq.
- Kommunip piginnaatitaanermut pilersaarutaa.

Ilanngussaq

1. 2022-mut missingersuusiornissamut isumaqatigiissut
2. Missingersuutitut mappe - Missingersuutit 2022 missingersuutit pillugit isumaqatigiissut ilanngullugu missingersuutitut siunnersuutit ilanngussat tamaasa ilanngullugit.
3. Sanaartornermut missingersuutit 2022



4. 2022-mut missingersuusiornissamut sanaartugassat allaaserineri
5. 2022-mut missingersuutitut akitigut allattorsimaffik
6. 2022-mut missingersuutitut siunertanut allaaserisat
7. 2022-mut missingersuutitut siunnersuutit ilanngunneqartut pillugit sukumiisumik allaaserisat
13. Ataatsimoortumik tapiissutitut isumaqatigiissut 2022

Erseqqissaatigineqassaaq, ilanngussaq 1 aamma 4, 5-ilu kommunip nittartagaani tamanut saqqummiunneqassammata, taavalu ilanngussaq 2 aamma 3 aamma 6 tamanut saqqummiunneqassanatik.

Meeqqerivimmi nutaami Maliup eqqaani meeraaqqerivimmi inissanik tulleriiaarineq

Aalajangiiffigisassaq

SagsID.: EMN-2021-12569

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- meeqqerivimmi nutaami Maliup eqqaani meeraaqqerivimmi inissanik tulleriiaarineq akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Naluttarfiup Maliup eqqaani meeqqerivik nutaaq 2022-mi februaarip aallaqqaataani ammarnissaa naatsorsuutigineqarpoq.

Sanaartukkami meeqqeriviit pingasuunissaat, meeraaqqeriviillu pingasuunissaat pilersaarutaaqqaarsimavoq. Nutaaliaasumilli sanaartornermi aaqqiissutit allanngortinneqarsinnaapput, tassa ini meeqqerivik meeraaqqerivinngortinneqarsinnaavoq paarlattuanillu annertunngitsumik iliuuseqarluni.

Ingerlatsivimmit allannguuteqarsinnaalluni aaqqiissutit atorineqarnissaat kissaatigineqarpoq. Tamatumunnga Nuummi meeqqerivinnut inissaniit meeraaqqerivimmut inissamut utaqqisut allattorsimaffianut allattortinnikut amerlaneruneri pissutaavoq. Nalunaarsukkat kingulliit 2021-mi septemberip aallaqqaataani meeraaqqerivimmut utaqqisut allattorsimaffianut meeqqat 165-it allatsissimasut takutippaat. Tassungalu sanilliullugu meeqqerivimmut utaqqisut allattorsimaffianiippat 22-it (meeqqat meeraaqqerivimiittut meeqqerivimmullu nuunnissaminnut ukiui naammatsissimasut minillugit).

Tamanna pillugu ingerlatsivimmit Maliup eqqaani meeqqerivik nutaaq aallartinnerani tallimanik meeraaqqerivilerluni ataatsimillu meeqqerivilerlugu aaqqinnissaa kissaatigineqarpoq. Matumani utaqqisut allattorsimaffianiittut sukkanerpaamik ikilisinnissaat pillugu. Meeqqat 12-it meeraaqqerivinniissinnaapput, tassa imaappoq utaqqisut allattorsimaffiat meeqqat 12-it tallimanik gangerlugit ikilisinneqarsinnaapput (meeraaqqerivimmi meeqqat 60-it).

Tamatuma kingorna ataavartumik meeraaqqeriviit marluk immikkut ittut meeqqerivinngortinneqaaqqissinnaapput, taamaalilluni meeqqerivik pilersaarutaaqqaartutut aaqqissuunneqarluni. Meeraaqqerivimmi meeqqat allartornerat ilutigalugu taamaaliortoqassaaq, taamaalilluni meeraaqqerivimiit meeqqerivimmut ajornannginnerusumik ikaarsaartoqartassaaq.

Ingerlatsivimmit aningaasatigut sulisoqarnikkullu naliliinerit

Meeqqeriviit meeraaqqerivinngortinneqarneranni init allanngortinneqarnerat aningaasartuuteqarfiussasoq naatsorsuutigineqarpoq. Aningaasartuutissat maanna ilisimaneqanngillat, ingerlatsiviulli allannguutaasariaqartut, matumani nangilersuiffiit ilaneqarneri, wc-t mikinerit il.il, tamakkiisumik misissorlugit aallartippaa.

Aatsaat naammassilluinnalernerani NCD aningaasartuutissanut missiliuusiorsinnaavoq, kingornalu TB-t ingerlanneqarnerini Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassaaq.

Suliffeqarfimmut Kiffartuussivimmit aningaasatigut naliliineq

Suliaq akuersissutigineqassappat ininik meeqqeriviusunik meeraaqqerivinngortitsinermi aningaasartuutit amerlanerussappata matussutissanik Meeqqanut Atuarfeqarnermullu Ingerlatsivik ilassutitut aningaasaliissutinik qinnuteqassaaq. Tamanna erngertumik pissaaq, ingerlatsiviup aningaasartuuteqarnerunissaaq paaseriarpagu.

Inatsisitigut tunngavissaaq allakkallu tunngaviusumik uppersaataatallit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq
- § 5. Kommunalbestyrelsip pisussaaffigaa qularnaassallugu meeqqanut suli atualinngitsunut tamanut pisariaqartunik amerlassusilinnik ulluunerani neqerooruteqarnissaaq

Siusinnerusukkut aalajangerit

Meeqqanut Atuarfeqarnermullu Ataatsimiititaq, 27.10.21:

Inassuteqaat akuersissutigineqarpoq, suliarlu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut aaliangigassatut ingerlateqqinneqarluni.

Ilanngussat

Soqanngilaq.

2022-mi suliat allaaserineqarnerat

Aalajangiiffigisassaq

SagsID.: EMN-2021-13396

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititap inassuteqaatigaa:

- 2022-mi suliaassanik allaaserinninnerit ataatsimiititap akuersissutigissagai
- suliaq Kommunalbestyrelsimut akuersissutigineqarnissaanut ingerlateqqinneqassasoq

Suliasamik saqqummiussineq

Suliat allaaserineqarnerat ukiut tamaasa nutarterneqartassapput politikikkikku akuerineqarlutik.

Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutisillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

Aaqqiissutissatut siunnersuut – suliatigut naliliineq

2021-mi suliat allaaserineqarnerinut ilanngussaqqartoqarpoq. Tulliuttuni aaqqiissutit pingaarnerit allaaserineqarput.

Nalinginnaasumik:

- Suliat allaaserineqarneri ingerlatsivimmit neqeroorutigineqartunut eqquutsinneqarniassammata naleqqussagaapput.
- Suliamik suliaqarnermi piffissaliussat misissorneqareerlutillu nutarterneqareerput.
- Suliat allaaserineqarnerini imarisamigut ataqatigiissumik tulleriinnilersugaavoq, assersuutigalugu sullissinermi siunertaq sullinniakkallu suliat allaaserineqarnerini siullinngorlugit inissinneqarsimapput.
- Suliat allaaserineqarnerini ulluinnarsiorpalaartunngorlugulu immikkoortunut inissitsitikkamik ilusilerlugit suliaapput, taamaallutik atuaruminarlutillu ersarissuullutik.
- Suliat allaaserineqarnerini siuliini sullissinermik tunniussisussaqaq allasimasaraluarpoq, toqqaasinnaanerli periarfissaajunnaarmat taanna peerneqarpoq. Kingumulli periarfissaaleqqippat taanna ilannguteqqinneqarumaarpoq.

Utoqqarnut tunngasut

- Innarluutillit pillugit inatsimmut nutaamut naapertuuttunngorsaanerup kingunerisaanik sullissinerit pingasut nutaat ilanngunneqarput, ukuusut "Nammineq angerlarsimaffigisami isumassorneqarnissamut taperseerineqarpoq", "Ikorfartortit" aamma "Ingiallorteqartitsisarpoq".
- Sammisassaqaartitsinermi neqeroorutit marluusut "Ulluunerani angerlarsimaffik" aamma "Ulluunerani ornittagaq" suliat allaaserineqarnerini ataatsimoortinneqarput, taallugit "Sammisassaqaartitsinermik neqeroorut", neqeroorut ataaseq tassani pineqarmat.



- Innuttaasut sullinneqarnissamut innersuussisarnermi puigortunngortunut tunngasunik ilaqanngimmat suliat allaaserineqarnerinit peerneqarpoq. Taakkununga tunngasunik ingerlatsivimmi suliat sulii taakkuuppuut.

Inunnut innarluutilinnut aamma Tarnimikkut nappaatilinnut Immikkoortortaqarfik

- "Sammissassaqaqtitsinissanut katerisimaaqateqaqtitsisarnissanillu neqeroorut unnukkut ammatitsinissamik periarfissalik" suliat allaaserineqarnerinit peerneqarpoq. Taarsiulluguli suliat allaaserineqarnerini "Sammissassaqaqtitsinermut najortigiinnissamullu neqeroorutitut" ilanngunneqarpoq, neqeroorut ataaseq pineqarmat.

Oqartussaaffeqarfik

- Angerlarsimaffeqanngitsunut unnuisarfik inissiallu katitertakkat kommunimit ingerlanneqaqqinnerat iluarsineqareerpoq.

Suliffeqarnermut tunngasut

- Allaaserinninnermi nutaartaavoq - "Sulilersitsiniaaneq", naatsorsuutigineqarporlu 2022-mut missingersuutissanik akuersissutiginninnermut atatillugu akuersissutigineqassasoq. Kommunimi suliffissaqaqtitsinermi sulilersitsiniaasarnissaq 2021-mut missingersuutit pillugit isumaqatigiisummi politikkikkut kissaataavoq.

Suliat allaaserineqarneri assigiissarneqaraluartut illoqarfinni sumiiffinnilu assigiinngitsuni ilinniarsimasunik atorfinitsitsiniarnerup ajornakusoornera peqqutigalugu assigiinngitsuunissaat ingerlatsivimmit qularutigineqanngilaq. Taamaattorli suliat allaaserineqarneri naapertorlugit sulisunik ilinniartitsisarnermik suliniuteqartoqassaaq. Assersuutigalugu nutaanik sulisortaarnermi ilinniartitsinermi suliat allaaserineqarnerat sammineqartalernekuuvuq.

Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput.

Suliat allaaserineqarnerisa kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Ingerlatsivimmit aningaasatigut sulisoqarnikkullu naliliinerit

Suliat allaaserineqarnerinik suliaqarneq aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- o Suliat allaaserineqarnerat inatsisinik atuuttunik aallaaveqarpoq. Kiffartuussinerni ataasiakkaani inatsit atuuttoq tunngavigneqartoq allassimavoq.

Siusinnerusukkut aalajangerit

Suliffeqarnermut Isumaginninnermullu Ataatsimiititaq, 26.10.21:

Inassuteqaat akuersissutigineqarpoq.

Ilanngussaq

1. 2022-mi Suliat allaaserineqarneri

Kommunimut pilersaarummut tapiliussassatut siunnersuut 3B2-2, Inuussutissarsiteqarfik Nukappiakuluk, Nuuk

Inaarutaasumik aalajangiineq

Aalajangiiffigisassaq

SagsID.: EMN-2021-11122

Sanarfinermut Avatangiisinullu Ingerlatsivik – pisortaq Hans Ulrik Skifte / HUS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussaq 3B2-2 Nukappiakuluk, Nuuk akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunimut pilersaarummut tapiliussaq 3B2-2, Inuussutissarsiteqarfik Nukappiakuluk piffissami juunip 30-anniit aggustip 25-annut sapaatip-akunnerini 8-ni tamanut tusarniaassutigineqarnikuvoq. Tusarniaassutiginerani tusarniummut akissut ataaseq tiguneqarpoq, taannalu oqaaseqatigiinnik annikitsunik allannguuteqartitsinermik kinguneqarpoq.

Kommunimut pilersaarummut tapiliussassatut 3B2-2, Nuummi timmisartoqarfiup mittarfiata allilerneranut atatillugu iluarsissutit tunngavigalugit suliarineqarpoq. Mittarfiup avannaatungaani aqquserngup allanngortinneqarnissaa naatsorsuutigineqarpoq, tassungalu ataatillugu immikkoortup ilaanut aqqut pilersinneqaqqissaaq.

Siuliini pineqartut malillugit iluarsiinissaq pillugu immikkoortup ilaanut killiliussat allanngortinneqarsimaneri pillugit nunaminertat atugassiissutigineqarsimasut matumuuna iluarsineqarput.

Immikkoortup atuuffii maannakkutut siunissami taamaaginnassapput, tassunga ilanngullugit suliffeqarfiit mingutsitsivallaartunut tunngasut (kapitali-5).

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Suliffeqarfimmi Kiffartuussivik oqaaseqaateqanngilaq.

Inatsisitigut tunngavissaq allakkallu tunngaviusumik uppersaattallit

- Pilersarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukut aalajangerit

Sanarfinermut Avatangiisinullu Ataatsimiititaq, 30.10.21:



Inassuteqaat akuersissutigineqarpoq.

Ilanngussat

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit
3. Kommunitum pilersaarummut tapiliussassatut 3B2-2, inuussutissarsiuteqarfik Nukappiakuluk, Nuuk



Nakkutilliisoqarfiup aalajangiussaa pillugu ilisimatitsissut

Nakkutilliisoqarfiup aalajangiinera. Immikkoortoq matoqqasoq:

Ilisimatitsissut

SagsID.: EMN-2021-16092

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ataatsimiititamit nakkutilliisoqarfiup aalajangiinera ilisimatitsissutit tiguneqassasoq
- ataatsimiititamit ilisimatitsissut Kommunalbestyrelsimut ingerlateqqinneqassasoq

Suliassamik saqqummiussineq

Nakkutilliisoqarfik ulloq 9. novembari 2021 Kommuneqarfik Sermersuup inissianik attartortitsinermit periusaa pillugu ataatsimiippoq.

Naatsumik eqikkarlugu suliameq pineqarpoq, Kommuneqarfik Sermersooq ukiuni arlaqartuni kommunip inuussutissarsiornermi attartortitit isumaqatigiissusiorteq aqqutigalugu inissianik attartortitsinermit periuseq atorsimagaa. Kommunip inissianik assigiinngitsunik sanaattortitsinermit, sanatitsisut arlaqartut inuussutissarsiornermi attartortitit isumaqatigiissusiorteqfigisimagai, nalinginnaasumik attartortitsineq aamma sulisunut attartortitsineq siunertaralugu. Periuseq tamanna 2015-imilli atugarineqarsimavoq.

Nakkutilliisoqarfiup 19. november 2020-imi ataatsimiinnermini aalajangerpaa Kommuneqarfik Sermersuup attartortitseqqinnissaq siunertaralugu inuussutissarsiornermi inissianik attartortitit periusaa atorunnaarsinneqarallassasoq.

Nakkutilliisoqarfiup aalajangernera immikkoortunik 14-inik imaqarpoq. Tassunga ilanngullugu:

- Nakkutilliisoqarfiup paasivaa, suleriaaseq atorineqartoq kommunit piginnaatitaanerannut maleruagassanik unioqqutitsinerusoq, tassami kommunip inuussutissarsiornermi attartortitit aningaasartuutai atuisut akiliuteqarnerini isertitaannit aammalu inissianut allaffissornikkut aningaasartuutissanut sipaarutissaannit annertunerummata.
- Nakkutilliisoqarfiup oqaatigissavaa, inissianik appasinnerusumik attartortit, kommunip piginnittumut akiliutissatut pisussaaffigisaanit, akeqartillugu allanut attartortitsinermit innuttaasunik ataasiakkaanik iluaqusiineq, kommunip piginnaatitaaneramik unioqqutitsinerusoq.
- Nakkutilliisoqarfiup Kommuneqarfik Sermersooq peqquaa Atugassarititaasut assingusut tunngavigalugit inuussutissarsiornermi attartortitit isumaqatigiissuteqartarnerit unitseqqullugit.

Nakkutilliisoqarfiup aalajangiussai tamarmik ilanngussami 1-imi takuneqarsinnaapput.



Kommuneqarfik Sermersooq ulloq 10. novembari 2021 Nakkutilliisoqarfiup aalajangiinera pillugu Nakkutilliisoqarfiup siulittaasuanut itisileeqqusillunilu tunngavilersueqqusilluni qinnuteqarpoq. Qinnutigineqartoq ilanngussaq 2-mi takuneqarsinnaavoq.

Ingerlatsivimmit aningaasatigut sulisoqarnikkullu naliliinerit

Suliffeqarfimmut Kiffartuussivimmit aningaasatigut naliliisitsiniartoqanngilaq

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit aningaasatigut naliliisitsiniartoqanngilaq

Inatsisitigut tunngavissaq allakkallu tunngaviusumik uppersaataitallit

- Kommuninut pisinnaatitsissut
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimi Aqutsinermi lleqqoreqqusaq

Ilanngussaq

1. Nakkutilliisoqarfik Kommuneqarfik Sermersuup inissianik attartortitsinermik periusaa pillugu nakkutilliinermi aalajangiussaa
2. Nakkutilliisoqarfiup aalajangiinera pillugu itisileeqqusinermik tunngavilersueqqusinermillu qinnuteqarneq

